

四庫全書

集部

欽定四庫全書

集部
御定全唐詩卷五百四十

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官助教臣汪日贊

謄錄監生臣張紹勗

欽定四庫全書

御定全唐詩卷五百四十

李商隱

南朝

地險悠悠天險長
金陵王氣應瑤光
休誇此地分天下
只得徐妃半面妝

題漢祖廟

乘運應須宅八荒
男兒安在戀池隍
君王自起新豐後

項羽何曾在故鄉

韓冬郎即席為詩相送一座盡驚他日余方追
吟連宵侍坐徘徊久之句有老成之風因成二

絕寄酬兼呈畏之員外

十歲裁詩走馬成冷灰殘燭動離情桐花萬里丹山路
雛鳳清於老鳳聲

劔棧風檣各苦辛別時冰雪到時春為憑何遜休聯句
瘦盡東陽姓沈人

原注沈東陽約嘗謂何遜曰吾每詩
卿詩一日三復終未能到余雖無東

陽之才而有
東陽之瘦矣

評事翁寄賜餠粥走筆為答

粥香餠白杏花天
省對流鶯坐綺筵
今日寄來春已老
鳳樓迢遞憶鞦韆

東阿王

國事分明屬灌均
西陵魂斷夜一作斷
來人君王不得為
天子半為當時賦洛神

聖女祠

松篁臺殿蕙香幃

一作花闌

龍護瑤牕鳳掩扉無質易迷三

里霧不寒長著五

一作六

銖衣人間定有崔羅什天上應

無劉武威寄問釵頭雙白燕每朝珠館幾時歸

獨居有懷

麝重愁風逼羅疎畏月侵怨魂迷恐斷嬌喘細疑沈數
急芙蓉帶頰抽翡翠簪柔情終不遠遙妬已先深浦冷
鴛鴦去園空蛺蝶尋蠟花長遞淚箏柱鎮移心覓使萬
雲暮回頭滿岸陰只聞涼葉院露井近寒砧

過景陵

武皇精魄久仙昇，帳殿淒涼煙霧凝。
俱是蒼生留不得，鼎湖何異魏西陵。

臨發崇讓宅紫薇

一樹濃姿獨看來，秋庭暮雨類輕埃。
不先搖落應為有，已欲離休更開桃。
綬舍情依露井柳，綿相憶隔章臺。
天涯地角同榮謝，豈要移根上苑栽。

及第東歸次灞上却寄同年

芳桂當年各一枝行期未分壓春期江魚朔雁長相憶

秦樹嵩雲自不知下苑經過勞想像東門送一作追餞又

差池灞陵柳色無離恨莫枉一作把長條贈所思

野菊

此詩又見孫逖集題
作詠樓前海石榴

苦竹園南椒塢邊微香冉冉淚涓涓已悲節物同寒雁

忍委芳心與暮蟬細路獨來當此夕清尊相伴省他年

紫雲一作微新苑移花處不取霜栽近御筵

板橋曉別

回望高城落曉河，長亭牕戶壓微波。
水仙欲上鯉魚去，一夜芙蓉紅淚多。

過伊僕射舊宅

朱邸方酬力戰功，華筵俄歎逝波窮。
回廊簷斷燕飛去，

一作出小閣一作閣塵凝人語空。
幽淚一作砌欲乾殘菊露餘

香猶入敗荷。風何能更涉瀧江去。
獨立寒流一作沙弔楚

宮

關門柳

永定河邊一行柳依依
長發故年春東來西去
人情薄
不為清陰減路塵

酬別令狐

一本有
八字

補闕

惜別夏仍半回途秋已期
那脩直諫草更賦贈行詩
錦段知無報青萍宵見疑人
一作
吾生有通塞公等繫安危
警露鶴辭侶吸風蟬抱枝
彈冠如不問又到掃門時

銀河吹笙

悵望銀河吹玉笙
樓寒院冷接平明
重衾幽夢他年斷

別樹羈雌昨夜驚月榭故香因雨發風簾殘燭隔霜清
不須浪作緱山意湘瑟秦簫自有情

與同年李定言曲水閒話戲作

海燕參差溝水流同君身世屬離憂相攜花下非秦贅

對泣春天

一作風前

類楚囚碧草暗侵穿苑路珠簾不捲枕

江樓莫驚

一作經

五勝埋香骨地下傷春亦白頭

彭城

當作陽

公薨後贈杜二十七勝李十七潘

一作

潘二君並與愚同出故尚書安平公門下

梁山充水約從公
兩地參差一旦空
謝墅庾村相弔後
自今岐路各西東

間歌

斂笑凝眸意欲歌
高雲不動碧嵯峨
我銅臺罷望歸何處
玉輦忘還事幾多
青冢路邊南雁盡
細腰宮裏北人過
此聲腸斷非今日
香地燈光奈爾何

贈華陽宋真人兼寄清都劉先生

淪謫千年別帝宸
至今猶謝

一作

藥珠人但驚茅許同

仙籍

一作多
玄分

不道

一作
記

劉盧是世親
玉檢賜書迷鳳篆

一作
籀

金華歸駕冷龍鱗
不因杖屨逢周史
徐甲何曾有

此身

楚宮二首

十二峰前落照微
高唐

一作
堂

宮暗坐迷歸朝雲暮雨長

相接猶自君王恨見稀

月姊曾逢下彩蟾
傾城消息隔重簾
已聞珮響知腰細
更辨絃聲覺指纖
暮雨自歸山悄悄
秋河不動夜厭厭

王昌且在牆東住未必金堂得免嫌

此首一本題作
天水間話舊事

和友人戲贈二首

一作和令
狐八戲題

東望花樓會

一作事

不同西來雙燕信休通仙人掌冷三

霄露玉女窗虛五

一作午

夜風翠袖自隨回雪轉

一作駐

燭

房尋類外庭空殷勤莫使清香透牢合金魚鏤桂叢

迢遞青

一作春

門有幾闌柳梢樓角見南山明珠可貫須

為珮白璧堪裁且作環子夜休

一作欲

歌團扇揜新正未

破剪刀閒猿啼鶴怨

一作望

終年事未抵熏爐

一作爐香

一夕

問

題二首後重有戲贈任秀才

一文紅萼擁翠筠羅窗不識繞街塵
峽中尋覓長逢雨
月裏依稀更有人
虛為錯刀留遠客
枉緣書札損文鱗
遙知小閣還斜照
羨殺烏龍卧錦茵

原注謹之也

有感二首

原注乙卯年有感丙辰年詩成二詩紀甘露之變

九服歸元化
三靈叶睿圖
如何本初輩
自取屈釐誅
有甚當車泣
因勞下殿趨
何成奏雲物
直是滅萑苻
證逮

符書密辭連性命俱竟緣尊漢相不早辨胡雛鬼錄分
朝部軍烽照上都敢云堪慟哭未免怨洪爐

丹陛猶敷奏彤庭歛戰爭臨危對盧植

原注是晚獨召
故相彭陽公入

始悔用龐萌御仗收前殿

一作
隊

兵

一作
兇

徒劇背城蒼黃

五色棒掩遏一陽生古有清君側今非乏老成素心雖
未易此舉太無名誰瞑銜冤目寧吞欲絕聲近聞開壽
謙不廢用咸英

重有感

玉帳牙旗得上遊安危須共主君憂實融表已來關右
陶侃軍宜次石頭豈有蛟龍愁

一作曾
一作長

失水更無鷹隼

與高秋晝號夜哭兼幽顯早晚星關雪涕收

壽安公主出降

瀉水聞貞

一作
真

媛常山索銳師昔憂迷帝力今分送王

姬事等和強虜恩殊睦本枝四郊多壘在此禮恐無時

夕陽樓

原注在滎陽是所知今遂寧蕭侍郎
收滎陽日作矣蕭侍郎蕭游也

花明柳暗繞天愁上盡重城更上樓欲問孤鴻向何處

不知身世自悠悠

春雨

悵卧新春白袷衣
白門寥落意多違
紅樓隔雨相望冷
珠箔飄燈獨自歸
遠路應悲春晚晚
殘宵猶得夢依稀
玉璫緘札何由達
萬里雲羅一雁飛

中元作

絳節飄瓊宮

一作空

國來中元朝拜上
清回羊權須

一作雖

得金條脫溫嶠終
虛玉鏡臺曾省
驚眠間雨過
不知迷

路為花開有娥未抵瀛洲遠青雀如何鴉鳥媒

鴛鴦

雌去雄飛萬里天雲羅滿眼淚潸然不須長結風波願
鎖向金籠始兩全

楚宮

湘波如淚色溼溼楚厲一作嫺迷魂逐恨遙楓樹夜猿

古通

愁自斷女蘿山鬼語相邀空歸腐敗猶難復更困腥臊
豈易招但使故鄉三戶在綵絲誰惜懼長蛟

妓席暗記送同年獨孤雲之武昌

疊嶂千重叫恨猿
長江萬里洗離魂
武昌若有山頭石
為拂蒼苔檢淚痕

宿晉昌亭聞鶯禽

羈緒繅繅夜景侵
高窗不掩見鶯飛

一作行

來曲渚煙

方合過盡南塘樹
更深胡馬嘶
和榆塞笛楚猿吟
雜橘村砧失羣掛木
知何限遠隔天涯
共此心

深宮

金殿銷香

一作香銷

閉綺櫳

一作籠

玉壺傳點

一作響

咽銅龍狂

颺不惜蘿陰薄清露偏知桂葉濃斑竹嶺邊無限淚景

陽宮裏及時鐘豈知為雨為雲處

一作意

只有高唐十二

峰

明禪師院酬從兄見寄

貞吝嫌茲世會心馳本原人非四禪縛地絕一塵喧霜

露歌高木星河壓

一作隨

故園斯遊儻為勝九折幸回軒

寄裴衡

別地蕭條極如何更獨來秋應為黃葉雨不厭青苔沈
約只能瘦潘仁豈是才離情堪底寄惟有冷於灰

即日

小苑試春衣高樓倚暮暉天桃惟是笑舞蝶不空飛赤
嶺久無耗鴻門猶合圍幾家緣錦字含淚坐鴛機

淮陽路

荒村倚廢營投宿旅魂驚斷雁高仍急寒溪曉更清昔
年嘗聚盜此日頗分兵猜貳誰先致三朝事始平

宗讓宅東亭醉後沔然有作

曲岸風雷罷東亭霽日涼
新秋仍酒困

一作困病

幽興暫江

鄉搖落真何遽交親或未忘
一帆彭蠡月數鴈塞門霜
俗態雖多累仙標發近狂
聲名佳句在身世玉琴張
萬古山空碧無人鬢免黃
驂憂老大鷓鴣妬芬芳
密竹沈虛籟孤蓮泊晚香
如何此幽勝淹卧劇清漳

晚晴

深居俯夾城春去夏猶清
天意憐幽草人間重晚晴
併

添高閣迴微注小窗明越鳥巢乾後歸飛體更輕

迎寄韓魯州

瞻同年

積雨晚騷騷相思正鬱陶不知人萬里時有燕雙高寇

盜纏三輔

原注時興元賊起三川兵出

莓苔滑百牢聖朝推衛霍

一作

索歸日動仙曹

武夷山

只得流霞酒一杯空中簫鼓幾

一作當

時回武夷洞裏生

毛竹老盡曾孫更不來

一片

一片瓊英價動天，連城十二

當作五

昔虛傳良工巧費真

為累楮葉成來不直錢

寄成都高苗二從事

原注時二公從事商隱座主府

紅蓮幕下紫梨新，命斷湘南病渴人。今日問君能寄否

二江風水接天津

鄭州獻從叔舍人襄

蓬島煙霞閣苑鐘，三官箋奏附金龍。茅君奕世仙曹貴

許掾全家道氣濃
絳簡尚參黃紙案
丹爐猶用紫泥封
不知他日華陽洞
許上經樓第幾重

西南行却寄相送者

百里陰雲覆雪泥
行人只在雪雲西
明朝驚破還鄉夢
定是陳倉碧野雞

四皓廟

羽翼殊勳棄若遺
皇天有運我無時
廟前便接山門路
不長青松長紫芝

題白石蓮花寄楚公

白石蓮花誰所共六時長捧佛前燈
空庭苔蘚饒霜露時夢西山老病僧
大海龍宮無限地諸天鴈塔幾多層
漫誇鶩子真羅漢不會牛一作車是上乘

定安城樓

迢遞高城百尺樓綠楊枝外一作盡汀洲
賈生年少虛

垂淚一作王粲春來更遠遊
永憶江湖歸白髮欲回天

地入扁舟不知腐鼠成滋味
猜意鴛鴦竟未休

隋宮守歲

消息東郊木帝回宮中行樂有新梅沈香甲

一作夾

煎去聲

為庭燎玉液瓊蘇作壽杯遙望露盤疑是月
遠聞鼉鼓欲驚雷昭陽第一傾城客不踏金蓮不肖來

利州江潭作

原注感孕金輪所

神劍飛來不易

一作是

銷碧潭珍重駐蘭橈自攜明月移

燈疾欲就行雲散錦遙河伯軒窗通貝闕水宮惟箔卷

冰綃他時燕脯無人寄雨滿空城蕙葉雕

即日 一作

地寬樓已迴人更迴於樓細意經 一作抽 春物傷醒屬

暮愁望賒殊易斷恨久欲難收大執真無利多情豈自

由空園兼樹廢敗港擁花流書去青楓驛鴻歸杜若洲

單棲應分定辭疾索誰憂更替林鷓恨驚頻去不休

相思

一作相思樹上

相思樹上合歡枝紫鳳青鸞共羽儀腸斷秦臺吹管客

日西春盡到來遲

欽定四庫全書

御定全唐詩

卷五百四十

十四

漢家天馬出蒲梢首宿榴花遍近郊內苑只知含

一作銜

鳳觜屬車無復插雞翹玉桃偷得憐方朔金屋修

一作粧

成貯阿嬌誰料蘇卿老歸國茂陵松柏雨蕭蕭

鏡檻

鏡檻芙蓉入香臺翡翠過撥弦驚火鳳交扇拂天鷲隱
忍陽城笑喧傳郢市歌仙看瓊作葉佛髻鈿為螺五里
無因霧三秋只見河月中供藥刺海上得綃多玉集胡

沙割犀留聖水磨斜門穿戲蝶小閣鎖飛蛾騎襜侵韉
卷車帷約懣鉤傳書兩行鴈取酒一封駝橋迴涼風壓
溝橫一作斜夕照和待烏燕太子駐馬魏東阿想像鋪芳
褥依稀解醉羅散時簾隔露卧後幕生波梯穩從攀桂
弓調任射莎豈能拋斷夢聽鼓事朝珂

送鄭大台文南覲

鄭畋

黎辟

一作壁

灘聲五月寒南風無處附平安君懷一匹胡

威絹爭拭酬恩淚得乾

欽定四庫全書

御定全唐詩

卷五百四十

十五

迴拂來鴻急斜催別燕高已寒休慘淡更遠尚呼號楚
色分西塞夷音接下宇歸舟天外有一為戒波濤

洞庭魚

洞庭魚可拾不假更垂罾開若雨前蟻多於秋後蠅豈
思鱗作簞仍計腹為燈浩蕩天池路翱翔欲化鵬

天涯

春日在天涯天涯日又斜鶯啼如有淚為濕最高花

喜舍弟義叟及第上禮部魏公

國以斯文重公仍內署

一作相

來風標森太華星象逼中

台朝滿選鷺侶門多吐鳳才寧同魯司寇一作只惟一

顏回

哀箏

延頸全同鶴柔腸素怯猿湘波無限淚蜀魄有餘冤輕
憶長無道哀箏不出門何由問香炷翠幕自黃昏

自南山北歸經分水嶺

欽定四庫全書

御定全唐詩

十六

水急愁無地山深故有雲那通極目望又作斷腸分鄭
驛來雖及燕臺哭不聞猶餘遺意在許刻鎮南勳

舊頓

頓宿食處也天子行
幸住宿處亦曰頓

東人望幸久咨嗟四海於今是一家猶鎖平時舊行殿

盡無宮戶有宮鴉

一作宮花
一作宮鴉

代董秀才却扇

莫將畫扇出帷來遮掩春山滯上才若道團圓似明月
此中須放桂花開

有感

非關宋玉有微辭，却是襄王夢覺遲。
一自高唐賦成後，楚天雲雨盡堪疑。

驪山有感

驪岫飛泉泛暖香，九龍呵護玉蓮房。
平明每幸長生殿，不從金輿惟壽王。

別智玄法師

雲鬢無端怨別離，十年移易住山期。
東西南北皆垂淚。

却是楊朱真本師

贈孫綺新及第

長樂遙聽上苑鐘
綵衣稱慶桂香濃
陸機始擬誇文賦
不覺雲間有士龍

代秘書贈弘文館諸校書

清切曹司近玉除
比來秋興復何如
崇文館裏丹一作飛
霜後無限紅梨憶校書

亂石

虎踞龍蹲縱復橫
星光漸減雨痕生
不須併礙東西路
哭殺厨頭阮步兵

日日

一作春光

日日春光鬪日光
山城斜路杏花香
幾時心緒渾無事
得及游絲百尺長

過楚宮

巫峽迢迢舊楚宮
至今雲雨暗丹楓
微生盡戀人間樂
只有襄王憶夢中

龍池

龍池賜酒敞雲屏
羯鼓聲高衆樂停
夜半宴歸宮漏永
薛王沈醉壽王醒

淚

永巷長年怨綺羅
離情終日思風波
湘江竹上痕無限
峴首碑前灑幾多人
去紫臺秋入塞
兵殘楚帳夜聞歌
朝來灞水橋邊問
未抵青袍送玉珂

十字水期韋潘侍御同年不至時韋寓居水次

故郭汾寧一作陽宅

伊水濺濺相背流，朱欄畫閣幾人遊。
漆燈夜照真無數，蠟炬晨炊竟未休。
顧我有懷同大夢，期君不至更沈憂。
西園碧樹今誰主，與近高窗卧聽秋。

流鶯

流鶯漂蕩復參差，度陌臨流不自持。
巧囀豈能無本意，良辰未必有佳期。
風朝露夜陰晴裏，萬戶千門開閉時。
曾苦傷春不忍一作思聽，鳳城何處有花枝。

出關宿盤豆館對叢蘆有感

蘆葉稍稍夏景深
郵亭暫欲灑塵襟
昔年曾是江南客
此日初為關外心
思子臺邊風自急
玉孃湖上月應沈
清聲不遠行人去
一世一作荒城伴夜砧

和韓錄事送宮人入道

星使追還不自由
雙童捧上綠瓊輶
九枝燈下朝金殿
三素雲中侍玉樓
鳳女顛狂成久別
月娥孀獨好同遊
當時若愛韓公子
埋骨成灰恨未休

即日

一作日

小鼎煎茶面曲池
白鬚道士竹間棋
何人書破蒲葵扇
記著南塘移樹時

聖女祠

杳藹

一作霧

逢仙跡蒼茫
滯客途何年歸
碧落此路向皇都

消息期青雀
逢迎異紫姑
腸回楚國夢
心斷漢宮巫
從騎裁寒竹
行車蔭白榆
星娥一去後
月姊更來無
寡鵠

一作遼鶴

迷蒼壑
羈風

一作鷲

怨翠梧
惟應碧桃下方朔
是狂夫

七月二十九日崇讓宅讌作

露如微霰下前池月

一作風

過回塘萬竹悲浮世本來多

聚散紅蕖何事亦離披
悠揚歸夢惟燈見
落生涯獨酒知
豈到白頭長只爾
嵩陽松雪有心期

贈從兄閻之

悵望人間萬事違
私書幽夢約忘機
荻花村裏魚標在
石蘚庭中鹿跡微
幽徑定攜僧共入
寒塘好與月相依
城中獬犬憎蘭佩
莫損幽芳久不歸

吳宮

龍檻沈沈水殿清
禁門深掩斷人聲
吳王宴罷滿宮醉
日暮水漂花出城

常娥

雲母屏風燭影深
長河漸落曉星沈
常娥應悔偷靈藥
碧海青天夜夜心

殘花

殘花啼露莫留春
尖髮誰非怨別人
若但揜關勞獨夢

寶釵何日不生塵

天津西望

虜馬崩騰忽一狂
翠華無日到東方
天津西望腸真斷
滿眼秋波出苑牆

西亭

此夜西亭月正圓
疎簾相伴宿風煙
梧桐莫更翻清露
孤鶴從來不得眠

憶住

一作

一師

無事經年別遠公
帝城鐘曉憶西峰
爐煙消盡寒燈晦
童子開門雪滿松

昨夜

不辭鷓鴣妬年芳
但惜流塵暗燭房
昨夜西池涼露滿
桂花吹斷月中香

海客

海客乘槎上紫氛
星娥罷織一相聞
只應不憚牽牛妬
聊用支機石贈君

初食笋呈座中

嫩穉香苞初出林於

一作五

陵論價重如金皇都陸海應

無數忍剪凌雲一寸

一作片心

早起

風露澹清晨簾間獨起人
鶯花啼又笑畢竟是誰春

寄蜀客

君到臨邛問酒壚
近來還有長卿無
金徽却是無情物
不許文君憶故夫

行至金牛驛寄興元渤海尚書

樓上春雲水底天
五雲章色破巴牋
諸生個個王恭柳
從事人人庾杲蓮
六曲屏風江雨急
九枝燈檠夜珠圓
深慙走馬金牛路
驟和陳王白玉篇

深樹見一顆櫻桃尚在

高桃留晚實
尋得小庭南
矮隨綠雲髻
欹危紅玉簪
惜堪充鳳食
痛已被鷲含
越鳥誇香荔
齊名亦未甘

細雨

帷飄白玉堂簾卷碧牙牀楚女當時意蕭蕭髮彩一作影涼

歌舞

遏雲歌響清回雪舞腰輕只要君流眄君傾國自傾

海上

石橋東望海連天徐福空來不得仙直遣麻姑與搔背
可能留命待桑田

魏侯第東北樓堂郢叔言別聊用書所見成篇
暗樓連夜閣不擬為黃昏未必斷別淚何曾妨夢魂疑

穿花逶迤漸近火温磨海底翻無水仙家却有村鎖香
金屈戌殢酒玉崑崙羽白風交扇冰清月映一作盆舊
歡塵自積新歲電猶奔霞綺空留段雲峰不帶根念君
千里舸江草漏燈痕

白雲夫舊居

平生誤識白雲夫再到仙簷憶酒壚牆柳萬株人絕跡
夕陽惟照欲棲烏

同學彭道士參寥

莫羨仙家有上真
仙家暫謫亦千春
月中桂樹高多少
試問西河斫樹人

到秋

扇風淅瀝簟流離

一作離

萬里南風滯所思
守到清秋還

寂寞葉丹苔碧閉門時

華師

孤鶴不睡雲無心
衲衣筇杖來西林
院門靜鎖迴廊靜
秋日當堦柿葉陰

華嶽下題西王母廟

神仙有分豈關情
八馬虛隨落日行
莫恨名姬中夜沒
君王猶自不長生

過華清內廐門

華清別館閉黃昏
碧草悠悠內廐門
自是明時不巡幸
至今青海有龍孫

樂遊原

萬樹鳴蟬隔岸虹
樂遊原上有西風
義和自趁一作虞

泉宿不放斜陽更向東

贈荷花

世間花葉不相倫
花入金盃葉作塵
惟有綠荷紅菡萏
卷舒開合任天真
此荷此葉常相映
翠減紅衰愁殺人

丹丘

青女丁寧結夜霜
羲和辛苦送朝陽
丹丘萬里無消息
幾對梧桐憶鳳凰

房君珊瑚散

不見姮

一作常

娥影清秋守月輪月中閒杵臼桂子搗成塵

小桃園

竟日小桃園休

一作林

寒亦未暄坐鶯當酒重送客出牆

繁帝久艷粉薄舞多香雪翻猶憐未圓月先出照黃昏

嘲櫻桃

朱實鳥含盡青樓人未歸南園無限樹獨自葉如帷

和張秀才落花有感

晴暖感餘芳紅苞雜絳房落時猶自舞掃後更聞香夢

罷收羅薦仙歸勅玉箱回腸九回後猶有剩回腸

代越公房妓嘲徐公主

一作代
公主答

笑啼俱不敢幾欲是吞聲遽遣離琴怨都由半鏡明應
防啼與笑微露淺深情

代貴公主

芳條得意紅飄落忽西東分逐春風去風回得故叢明
朝金井

一作
含新露始看憶春風

鳳

萬里峰巒歸路迷未判容彩借山雞
新春定有將雛樂
阿閣華池兩處棲

昭肅皇帝挽歌辭三首

九縣懷雄武三靈仰睿文
周王傳叔父漢后重神君
玉律朝驚露金莖夜切雲
笳簫淒欲斷無復詠橫汾

玉塞驚宵柝金橋罷舉烽
始巢阿閣鳳旋駕鼎湖龍
門咽通神鼓樓凝警夜鐘
小臣觀吉從猶誤欲東封

莫驗昭華琯

一作管

虛傳甲帳神海迷求藥使雪隔獻桃

人桂寢青雲斷松扉白露新萬方同象鳥舉慟滿

一作淨

秋塵

梓州罷吟寄同舍

不揀花朝與雪朝五年從事霍嫫媯君緣接座交珠履
我為分行近翠翹楚雨含情皆有託漳濱卧病竟無憊
長吟遠下燕臺去惟有衣香染未銷

無題二首

鳳尾香羅薄幾重碧文圓頂夜深縫扇裁月魄羞難掩

車走雷聲語未通曾是寂寥金燼暗斷無消息石榴紅
斑駁只繫垂楊岸何處西南任好風

重帷深下莫愁堂卧後清宵細細長神女生涯原是夢

小姑居處本無郎

原注古詩有小姑無郎之句

風波不信菱枝弱月

露誰教桂葉香直道相思了無益未妨惆悵是清狂

病中早訪招國李十將軍過挈家遊曲江

十頃平波溢岸清病來惟夢此中行相如未是真消渴
猶放沱江過錦城

昨日

昨日紫姑神去也今朝青鳥使來賒未容言語還分散
少得團圓足怨嗟二八月輪蟾影破十三絃柱鴈行斜

平明鐘後更何事笑倚牆邊

一作

梅樹花

櫻桃花下

流鶯舞蝶兩相欺不取花芳正結時他日未開今日謝
嘉辰長短是參差

故驛迎弔故桂府常侍有感

饑鳥翻樹晚雞啼泣過秋原沒馬泥二紀征南恩與舊
此時丹旆玉山西

槿花

風露淒淒秋景繁可憐榮落在朝昏未央宮裏三千女
但保紅顏莫保恩

暮秋獨遊曲江

荷葉生時春恨生一作起荷葉枯時秋恨成深知身在情

長在悵望江頭江水聲

任弘農尉獻州刺史乞假還

一作京

黃昏封印點刑徒愧負荆山八座隅却羨卞和雙則足
一生無復沒階趨

贈勾芒神

佳期不定春期賒春物天關興咨嗟願得勾芒索青女
不教容易損年華

無愁果有愁曲北齊歌

東有青龍西白虎中含福星包世度玉壺渭水笑清潭

鑿天不到牽牛處

麒麟一作麒麟

踏雲天馬擗牛山撼碎珊

瑚聲秋娥點滴不成淚
十二玉樓無故釘推煙唾月拋
千里十番紅桐一行死白楊
別屋鬼迷人空留暗記如
蠶紙日暮西風牽短絲
血凝血散今誰是

房中曲

薔薇泣幽素翠帶花錢
小嬌郎癡若雲抱日西簾
曉枕是龍宮石割得秋波色
玉簫失柔膚但見蒙羅碧
憶得前年春未語含悲辛
歸來已不見錦瑟長於人
今日澗

底松明日山頭檠愁到天池

一作地

翻相看不相識

齊梁晴雲

緩逐煙波起如妬柳絲飄故臨飛閣度欲入回陂銷紫

歌憐畫扇敞景弄柔條更奈

一作耐

天南位牛渚宿殘宵

效徐陵體贈更衣

密帳真

一作珍

珠絡溫幃翡翠裝楚腰知便寵宮眉正鬪

強結帶懸梔子繡頰刺鴛鴦輕寒衣省夜金斗熨沈香

又效江南曲

郎船安兩槳，儂舸動雙橈。掃黛開宮額，裁裙約楚腰。乖

期方積思，臨酒欲拌

一作拚

嬌。莫以採菱唱

一作曲

欲羨秦

臺簫

月夜重寄宋華陽姊妹

偷桃竊藥事難兼，十二城中鎖彩蟾。應共三英同夜賞，
玉樓仍是水精簾。

訪人不遇留別館

卿卿不惜鎖窗春，去作長楸走馬身。閒倚繡簾吹柳絮，

日高深院斷無人

雨中長樂水館送趙十五滂不及

碧雲東去雨雲西苑路高高驛路低秋水綠蕪終盡分
夫君太騁錦障泥

汴上送李郢之蘇州

人高詩苦滯夷門萬里梁王有舊園煙幌自應憐白紵
一作月樓誰伴詠黃昏露桃塗頰依苔井風柳誇腰住
水村蘇小小墳今在否紫蘭香徑與招魂

贈鄭讜處士

浪跡江湖白髮新，浮雲一片是吾身。
寒歸山觀隨碁局，

暖入汀洲逐釣輪。

一作
綸

越桂留烹張翰鱠，蜀薑供煮陸

機尊相逢一笑憐。疎放他日扁舟有故人。

復至裴明府所居

伊人卜築自幽深，桂巷杉籬不可尋。
柱上雕蟲對書字，槽中瘦馬仰聽琴。
求之流輩豈易得，行矣關山方獨吟。
賒取松醪一斗酒，與君相伴灑煩襟。

覽古

莫恃金湯忽太平
草間霜露古今情
空糊

一作存

頽壤真

何益欲舉黃旗竟未成長樂
瓦飛隨水逝景陽鐘墮失
天明回頭一弔箕山客
始信逃堯不為名

子初郊墅

看山對酒君思我
聽鼓離城我訪君
臘雪已添墻下水
齋鐘不散檻前雲
陰移竹栢濃還淡
歌雜漁樵斷更聞
亦擬村南買煙舍
子孫相約事耕耘

漢南書事

西師萬衆幾時回
哀痛天書近已裁
文吏何曾重刀筆
將軍猶自舞輪臺
幾時拓土成王道
從古窮兵是禍胎
陛下好生千萬壽
玉樓長御白雲杯

當句有對

密邇

一作爾

平陽接上蘭秦樓
鴛瓦漢宮盤池光
不定花

光亂日氣初涵
露氣乾但覺游蜂
饒舞蝶豈知孤鳳
憶離鸞三星自轉
三山遠紫府程遙
碧落寬

井絡

井絡天彭一掌中漫誇天設劒為峰陣圖東聚燕

一作夔

江石邊拆西懸雪嶺松堪歎

一作笑

故君成杜宇可能先

主是真龍將來為報姦雄輩莫向金牛訪舊蹤

寫意

燕雁迢迢隔上林高秋望斷正長吟人間路有潼江險
天外山惟玉壘深日向花間留返照雲從城上結層陰
三年已制思鄉淚更入新年恐不禁

隨師東

太和元年李同捷盜據滄景詔諸道軍討之久未成功每有小勝則虛張首虜

以邀厚賞饋運不給滄州喪亂之後骸骨蔽地城空野曠戶口什無三四

東征日調萬黃金幾竭中原買鬪心軍令未聞誅馬謖

捷書惟是報孫歆

原注平吳之役上言得歆吳平孫尚在

但須鸞鷲巢阿

閣豈假鷓鴣在泮林可惜前朝玄菟郡積骸成莽陣雲深

宋玉

何事荆臺

一作門

百萬家惟

一作獨

教宋玉擅才華楚辭已

不饒唐勒風賦何曾讓景差落日渚宮供觀閣開年雲
夢送煙花可憐庾信尋荒徑猶得三朝託後車

韓同年新居餞韓西迎家室戲贈

籍籍征西萬戶侯新緣貴壻起朱樓一名我漫居先甲
千騎君翻在上頭雲路招邀迴彩鳳天河迢遞笑牽牛

南朝禁鬻無人近瘦盡瓊枝

一作肢

詠

一作有

四愁

奉和太原公送前楊秀才戴兼招楊正字戎

潼關地接古弘農萬里高飛雁與鴻桂樹一枝當白日

芸香三代繼清風
仙舟尚惜乖雙美
綵服何由得盡同
誰憚士龍多笑疾
美髭終類晉司空

池邊

玉管葭灰細細吹
流鶯上下燕參差
日西一作高千繞池

邊樹憶把枯條撼雪時

賈生

宣室求賢訪逐臣
賈生才調更無倫
可憐夜半虛前席
不問蒼生問鬼神

送王十三校書分司

多少分曹掌秘文
洛陽花雪夢隨君
定知何遜緣聯句
每到城東憶范雲

寄惱韓同年二首

時韓住
蕭洞

簾外辛夷定已開
開時莫一作放豔
陽回年華若到經
風雨便是胡僧話劫灰

龍山晴雪鳳樓霞
洞裏迷人有幾家
我為傷春心自醉
不勞君勸石榴花

謁山

從來繫日乏長繩
水去雲回恨不勝
欲就麻姑買滄海
一杯春露冷如冰

鈞天

上帝鈞天會衆靈
昔人因夢到青冥
伶倫吹裂孤生竹
却為知音不得聽

失猿

祝融南去萬重雲
清嘯無因更一聞
莫遣碧江通箭道

不教腸斷憶同羣

戲題友人壁

花逕逶迤柳巷深
小闌亭午轉春禽
相如解作長門賦
却用文君取酒金

假日

素琴絃斷酒罈空
倚坐欹眠日已中
誰向劉靈一作天
幕內更當陶令北窗風

寄遠

姮一作常娥擣藥無時已玉女投壺未肯休何日桑田俱

變了不教伊水向東流

王昭君

毛延壽畫欲通神忍為黃金不顧人馬上琵琶行萬里

漢宮長有隔生一作山春

舊將軍

雲臺高議正紛紛誰定當時蕩寇勲日暮灞陵原上獵

李將軍是故一作舊將軍

曼倩辭

十八年來墮世間
瑤池歸夢碧桃閒
如何漢殿穿鍼夜

又向窗中

一作前

觀阿環

所居

窗下尋書細溪邊坐石平
水風醒酒病霜日曝衣輕
雞黍隨人設蒲魚得地生
前賢無不一作無謂容易即遺名

高松

高松出衆木伴我向天涯
客散初晴候僧來不語時
有

風傳雅韻無雪試幽姿上藥終相待他年訪伏龜

訪秋

酒薄吹還醒樓危望已窮江皋當落日帆席見歸風煙
帶龍潭白霞分鳥道紅殷勤報秋意只是有丹楓

昭州

一作
郡

桂水春猶早昭川

一作
州

日正西虎當官道

一作
路

關猿上

驛樓啼繩爛金沙井松乾乳洞梯鄉音殊

一作
吁

可駭仍

有醉如泥

哭劉司戶蕢

路有論寬謫言皆在中興空間遷賈誼不待相孫弘江
閣惟回首天高但撫膺去年相送地春雪滿黃陵

裴明府居止

愛君茅屋下向晚水溶溶試墨書新竹張琴和古松坐
來聞好鳥歸去度疎鐘明日還相見橋南賞酒釀

陸發荆南始至商洛

昔去真無奈今還豈自知青辭木奴橘紫見地仙芝四

海秋風闊千岳暮景遲向來憂際會猶有五湖期

陳後宮

玄武開

一作
關

新苑龍舟讌幸頻渚蓮參法駕沙鳥犯句

陳壽獻金莖露歌翻玉樹塵夜來江令醉別詔宿臨春

樂遊原

一本無
原字

春夢亂不記春原登已重青門弄煙柳紫閣舞雲松拂

硯輕冰散開尊綠酌

一作
酒

濃無悰託詩遣吟罷更無悰

贈子直花下

令狐綯
字子直

池光忽隱牆花氣亂侵房
屏緣蝶留粉窗油蜂印黃
官書推小吏侍史從清郎
竝馬更吟去尋思有底忙

小園獨酌

柳帶誰能結花房未肯開
空餘雙蝶舞竟絕一人來
半展龍鬚席輕斟瑪一作瑤杯
年年春不定虛信歲前梅

思歸

固有樓堪倚能無酒可傾
嶺雲春沮洳江月夜晴明
魚亂書何託猿哀夢易驚
舊居連上苑時節正遷鶯

獻寄舊府開封公

開封公令狐楚也

幕府三年遠春秋一字褒書論秦逐客賦續楚離騷地

理

一作里

南溟闊天文北極高酬恩撫身世未覺勝鴻毛

向晚

當風橫去憶臨水卷空帷北土鞦韆罷南朝袂襖歸花
情羞脈脈柳意悵微微莫歎佳期晚佳期自古稀

春游

橋峻斑駁疾川長白鳥高煙輕惟潤柳風濫欲吹桃徙

倚三層閣摩挲七八

一作

寶刀庾郎年最少青草妬春袍

離席

出宿金尊掩從公玉帳新
依依向餘照遠遠隔芳塵
細草翻驚雁殘花伴醉人
楊朱不用勸只是更霑巾

俳諧

短顧何由遂遲光且莫驚
鴛能歌子夜蝶解舞宮城
柳訝眉雙淺桃猜粉太輕
年華有情狀吾豈怯

一作
敢怯

平生

細雨

瀟灑傍回汀，依依過短亭。
氣涼先動竹，點細未開萍。
稍促高高燕，微疎的的螢。
故園煙草色，仍近五門青。

商於新開路

商州上洛郡貞元七年刺史李西華開新道七百餘里行旅便之

六百商於路，崎嶇古共間。
蜂房春欲暮，虎穿日初曛。
路向泉間辨，人從樹杪分。
更誰開捷徑，遠擬上青雲。

題鄭大有隱居

結構何峰是，喧閒此地分。
石梁高瀉月，樵路細侵雲。
偃卧蛟螭室，希夷鳥獸羣。
近知西嶺上，玉管有時聞。

原注君居

近子晉
總鴻臺

夜飲

卜夜容衰鬢開筵屬異方燭分歌扇淚雨送酒船香江
海三年客乾坤百戰場誰能辭酌酹淹卧劇清漳

江上

萬里風來地清江北望樓雲通梁苑路月帶楚城秋刺
字從漫滅歸途尚阻脩前程更煙水吾道豈淹留

涼思

客去波平檻蟬休露滿枝永懷當此節倚立自移時北
斗兼春遠南陵寓使遲天涯占夢數疑誤有新知

鸞鳳

舊鏡鸞何處衰桐鳳不棲金錢饒孔雀錦段落山雞王
子調清管天人降紫泥豈無雲路分相望不應迷

李衛公

德裕

絳紗弟子音塵絕鸞鏡佳人舊會稀今日致身歌舞地
木棉花暖鷓鴣飛

韋蟾

一作寄
懷韋蟾

謝家離別正淒涼，少傅臨岐賭佩囊。
却憶短亭回首處，夜來煙雨滿池塘。

自貶

陶令棄官後，仰眠書屋中。
誰將五斗米，擬換北窗風。

蝶

孤蝶小徘徊，翩翾粉翅開。
併應傷皎潔，頻近雪中來。

夜意

簾垂幕半卷枕冷被仍香如何為相憶魂夢過瀟湘

因書

絕徼南通棧孤城北枕去聲江猿聲連月檻鳥影落天窗

海

一作錦

石分碁子卽筒當酒缸生歸話辛苦別夜對凝

缸

奉寄安國大師兼簡子蒙

憶奉蓮花座兼聞貝葉經巖光分蠟屐澗響入銅餅日
下徒推鶴天涯正對螢魚山羨曹植眷屬有文星

閒遊

危亭題竹粉曲沼嗅荷花數日同攜酒平明不在家尋
幽殊未極得句總一作已堪誇強下西樓去西樓倚暮霞

縣中惱飲席

晚醉題詩贈物華罷吟還醉忘歸家若無江氏五色筆
爭奈河陽一縣花

題李上暮壁

舊著思玄賦新編雜擬詩江庭猶近別山舍得幽期嫩

割周顛韭肥烹鮑照葵飽間南燭一作蜀酒仍及撥醅時

江村題壁

沙岸竹森森維艸聽越禽數家同老壽一徑自陰深喜
客嘗留橘應官說採金傾壺真得地愛日靜霜砧

即日一作目

桂林間舊說曾不異矣方原注宋考功有小長安之句也山響匡牀語

花飄度臘香幾時逢雁足著處斷猿腸獨撫青青桂臨

城憶雪霜

漫成五章

沈宋裁辭矜變律
王楊落筆得良朋
當時自謂宗師妙
今日惟觀對屬能

李杜操持事略齊
三才萬象共端倪
集仙殿與金鑿殿
可是蒼蠅惑曙一作雞

生兒古有孫征虜
嫁女今一作無王右軍
借問琴書終

一世何如旗蓋仰
三分

代北偏師銜使節
關中裨將建行臺
不妨常日饒輕薄

且喜臨戎用草萊

郭令素心非黷武韓公本意在和戎
兩都耆舊偏垂淚
臨老中原見朔風

射魚曲

思牢弩箭磨青石繡額蠻渠三虎力
尋潮背日伺

一作俟

洄一作洄鱗貝闕夜移鯨失色
織織粉斝馨香餌綠鴨回

塘養龍水含冰漢語遠於天
何由回作金盤死

日高

鍍鏤故錦縻輕拖

一作施

玉笈

一作箴

不動便門

一作開

鎖水

精眠夢是何人欄藥日高紅髮飛香上雲春訴天

一作

哀

雲梯十二門九關

一作開

輕身減影何可望粉蛾帖死

屏風上

宮中曲

雲母濾

一作灑

宮月夜夜白於水賺得羊車來低扇遮黃

子水精不覺冷自刻鴛鴦翅蠶縷茜香濃正朝纏左臂

巴牋兩三幅滿寫承恩字欲得識青天昨夜蒼龍是

海上謠

桂水寒於江玉兔秋冷咽海底覓仙人香桃如瘦骨紫
鸞不肯舞滿翅蓬山雪借得龍堂寬曉出探雲髮劉郎
舊香炷立見茂陵樹雲孫帖帖卧秋烟上元細字如蠶
眠

李夫人三首

一帶不結心兩股方安髻慙愧白茅人月沒教星替
刺結茱萸枝多擘秋蓮的獨自有波光綵囊盛不得

蠻絲繫條脫妍眼和香屑壽宮不惜鑄南人柔腸早被
秋眸割清澄有餘幽素香鰓魚渴鳳眞珠房不知瘦骨
類冰井更許夜簾通曉霜土花漠漠一作漠碧雲茫茫黃河

欲盡天蒼蒼

一作蒼黃

景陽宮井雙桐

秋港菱花乾玉盤明月蝕血滲兩枯心情多去未得徒
經白門伴不見丹山客未待刻作人愁多有魂魄誰將
玉盤與不死翻相誤天更闕於江孫枝覓郎主昔妬隣

宮槐道類雙眉斂今日繁紅櫻一作桃拋人占長簾翠襦

不禁綻留淚啼天眼寒灰劫盡問方知石羊不去誰相

絆一作伴

秋日晚思

桐槿日零落雨餘方寂寥枕寒莊蝶去窗冷扇螢銷取

適琴將酒忘名一作多牧與樵平生有遊舊一一在煙霄

春宵自遣

地勝遺塵事身閒念歲華晚晴風過竹深夜月當花石

亂知泉咽苔荒任逕斜陶然恃琴酒忘却在山家

七夕偶題

寶婺搖珠珮常娥照玉輪靈歸天上匹巧遺世間人花

果香千戶笙竽濫

一作溢

四隣明朝曬犢鼻方信阮家

一作

郎貧

靈仙閣晚眺寄鄆州韋評事

愚公方住谷仁者本依山共誓林泉志胡為尊俎間華

蓮開齒齒荆玉刻孱顏爽氣臨周道嵐光入

一作出

漢關

滿壺從蟻泛高閣已苔斑想就安車召寧期負矢還潘
遊全壁散郭去半舟閒定笑幽人跡鴻軒不可攀

幽居冬暮

羽翼摧殘日郊園寂寞時曉雞驚樹雪寒鷺守冰池急
景忽云暮頽年寢已衰如何匡國分不與夙心期

過姚孝子廬偶書

拱木臨周道荒廬積古苔魚因感姜出鶴為弔陶來兩
鬢蓬常亂雙眸血不開聖朝敦爾類非獨路人哀

賦得月照冰池

皓月方離海，堅冰正滿池。
金波雙激射，璧彩兩參差。
影占徘徊處，光含的皜時。
高低連素色，上下接清規。
顧兔飛難定，潛魚躍未期。
鵲驚俱欲遠，狐聽始無疑。
似鏡將盈手，如霜恐透肌。
獨憐遊翫意，達曉不知疲。

永樂縣所居一草一木無非自我，今春悉已芳茂，因書即事一章。

手種悲陳事，心期玩物華。
柳飛彭澤雪，桃散武陵霞。
枳

嫩棲鸞葉桐香待鳳花綬藤紫弱蔓祀草展新芽學植
功雖倍成蹊跡尚賒芳年誰共玩終老邵平瓜

南潭上亭讌集以疾後至因而抒情

馬卿聊應召謝傅已登山歌發百花外樂調深竹間鷄
舟縈遠岸魚鑰啟重關鷺蝶如相引煙蘿不暇攀佳人
啟玉齒上客頷朱顏肯念沈疴士俱期倒載還

寒食行次冷泉驛

驛途仍近節旅宿倍思家獨夜三更月空庭一樹花介

山當驛秀汾水遠關斜自怯春寒苦那堪禁火賒

寄華嶽孫逸

一作山人

靈嶽幾千仞老松逾百尋攀崖仍躡壁散葉復眠陰

海上呼三島

一作鳥

齋中戲五禽唯應逢阮籍長嘯作鸞音

戲題贈稷山驛吏王全

原注全為驛吏五十六年人稱有道術往來多

贈詩

章

絳臺驛吏老風塵耽酒成仙幾十春過客不勞詢甲子

惟書亥字與時人

和韋潘前輩七月十二日夜泊池州城下先寄

上李使君

桂含爽氣三秋首
棠吐中旬二一作葉新正是澄江如

練處玄暉應喜見詩人

花下醉

尋芳不覺醉流霞
倚樹沈眠日已斜
客散酒醒深夜後
更持紅燭賞殘花


所居永樂縣久旱縣宰祈禱得雨因賦詩

甘井

一作

膏滴滴是精誠晝夜如絲一尺盈祇怪閭閻喧

鼓吹邑人同報東長生



御定全唐詩卷五百四十

欽定四庫全書

集部

御定全唐詩卷五百四十一

詳校官庶吉士胡鈺

主事銜徐以坤覆勘

總校官知縣繆琪

校對官助教汪日贊

謄錄監生曹夢齡

欽定四庫全書

御定全唐詩卷五百四十一

李商隱

正月十五夜聞京有燈恨不得觀

月色燈光滿帝都香車寶輦隘一作向通衢身閒不睹中

興盛羞逐鄉人賽紫姑

贈趙協律哲

俱識孫公與謝公二年歌哭處還一作皆同已叨鄒馬聲

華末更共劉盧族望通

原註愚與趙俱出今吏部相公門下又同為故尚書安平公所

知復皆是安平公表姪

南省恩深賓館在東山事往妓樓空不堪

歲暮相逢地我欲西征君又東

搖落

搖落傷年日羈留念遠心水亭吟斷續月幌夢飛沈古
木含風久踈螢怯露深人閒始遙夜地迴更清砧結愛
曾傷晚端憂復至今未諳滄海路何處玉山岑灘激黃
牛暮雲屯白帝陰遙知霑灑意不減欲分襟

滯雨

滯雨長安夜殘燈獨客愁故鄉雲水地歸夢不宜秋

偶題二首

小亭閒眠微醉消山榴海栢枝相交水文簾上琥珀枕
傍有墮釵雙翠翹

清月依微香露輕曲房小院多逢迎春叢定是饒樓鳥
夜一作飲罷莫持紅燭行

月

過水穿樓觸處明
藏人帶樹遠含清
初生欲缺虛惆悵
未必圓時即有情

夜冷

樹遶池寬月影多
村砧塢笛隔風蘿
西亭翠被餘香薄
一夜將愁向敗荷

正月崇讓宅

密鎖重關掩綠苔
廊深閣迥此徘徊
先知風起月含暈
尚自露寒花未開
蝙蝠拂簾旌
終辰轉鼠翻
牕網小鷺猜

背燈獨共一作立

餘香語不覺猶歌起夜一作夜起來

城外

露寒風定不無情
臨水當山又隔城
未必明時勝
蟬蛤一生長共月虧盈

撰彭陽公誌文畢有感

延陵留表墓峴首送沈碑
敢伐不加點猶當無愧辭
百生終莫報九死諒難追
待得生金後川原亦幾移

北青蘿

殘陽西入掩茅屋訪孤僧落葉人何在寒雲路幾層獨
敲初夜磬閒倚一枝藤世界微塵裏吾寧愛與憎

戲贈張書記

別館君孤枕空庭我閉關池光不受月野氣欲沈山星
漢秋方會關河夢幾還危絃傷遠道明鏡惜紅顏古木
含風久平蕪盡日閒心知兩愁絕不斷若尋環

幽人

丹竈三年火蒼崖萬歲藤樵歸說逢虎碁罷正留僧星

斗同秦分人煙接漢陵東流清渭苦不盡照衰興

念遠

日月淹秦甸江湖動越吟蒼桐一作梧應露下白閣自雲

深皎皎非鸞扇翹翹失鳳簪牀空鄂君被杵冷女嬃砧
北思驚沙雁南情屬海禽關山已搖落天地共登臨

過故崔充海宅與崔明秀才話舊因寄舊僚杜

趙李三掾充海崔戎也杜趙李三掾即杜勝趙哲李潘

絳帳恩一作思如昨烏衣事莫尋諸生空會葬舊掾已華

替共入留賓驛俱分市駿金莫憑無鬼論終負託孤心

微雨

初隨林靄動稍共夜涼分窗迴一作侵燈冷庭虛近水

聞

南山趙行軍新詩盛稱游讌之洽因寄一絕

蓮幕遙臨黑水津橐鞬無事但尋春梁王司馬非孫武
且免宮中斬美人

曲江

望斷平時翠輦過空聞子夜鬼悲歌金輿不返傾城色
玉殿猶分下苑波死憶華亭聞唳鶴老憂王室泣銅駝
天荒地變心雖折若比陽

傷一作

春意未多

景陽井

景陽宮井剩堪悲不盡龍鸞誓死期腸斷吳王宮外水
濁泥猶得葬西施

故番禺侯以贓罪致不辜事覺母者

一作老

他日

過其門

飲鳩非君命茲身亦厚亡江陵從種橘交廣合投香不
見千金子空餘數仞墻殺人須顯戮誰舉漢三章

詠雲

捧月三更斷藏星七夕明纔聞飄迴路旋見隔重城潭
暮隨龍起河秋壓雁聲只應惟宋玉知是楚神名

夜出西溪

東府憂春盡西溪許日曛月澄新漲水星見欲銷雲柳
好休傷別松高莫出羣軍書雖倚馬猶未當能文

效長吉

長長漢殿眉窄窄
楚宮衣鏡好
鸞空舞簾疎
燕誤飛
君王不可問
昨夜約黃歸

柳

江南江北雪初消
漠漠輕黃惹嫩條
灞岸已攀行客手
楚宮先騁舞姬腰
清明帶雨臨官道
晚日含風拂野橋
如線如絲正牽恨

一作
曳

王孫歸路一何遙

九月於東逢雪

於東商
於東也

舉家忻共報秋雪墮前峰嶺外他年憶於東此日逢粒
輕還自亂花薄未成重豈是驚離鬢應來洗病容

四皓廟

本為留侯慕赤松漢庭方識紫芝翁蕭何只解追韓信
豈得虛當第一功

送阿龜歸華

草堂歸意背煙蘿黃綬垂腰不奈何因汝華陽求藥物
碧松根下茯苓多

九日

商隱為令狐楚從事楚既歿子絢繼有羣平之拜惡商隱從鄭亞之辟疎之重陽日

商隱留詩於其廳事絢觀之
慙悵局閉此廳終身不處

曾共山翁把酒時

一作
危

霜天白菊繞塔墀十年泉下無

人問

一作
消息

九日樽前有所思不學漢臣栽首藉空教楚

客詠江蘼郎君官貴施行馬東閣

一作
閣

無因再得窺

僧院牡丹

薄葉風才倚枝輕霧不勝開先如避客色淺為依僧粉
壁正蕩水細幃初卷燈傾城惟待笑要裂幾多繒

贈司勳杜十三員外

杜牧司勳字牧之清秋一首杜秋詩前身應是梁江總
名總還曾字總持心鐵已從千鏤利鬢絲休嘆雪霜垂

漢江遠弔西江水羊祐韋丹盡有碑

原注時杜奉
詔撰韋碑

高花

花將人共笑籬外露繁枝宋玉臨江宅牆低不礙一作

窺

嘲桃

無賴天桃面平明露井東春風為開了却擬笑春風

送豐都李尉

萬古商於地憑君泣路歧固難尋綺季可得信張儀
雨氣燕先覺葉陰蟬遽知望鄉尤忌晚山晚更參差

天平公座中呈令狐令公時蔡京在坐京曾為
僧徒故有第五句

罷執霓旌上醮壇慢粧嬌樹水晶盤更深欲訴蛾眉歛
衣薄臨醒玉艷寒白足禪僧思敗道青袍御史擬休官

雖然同是將軍客不敢公然子細看

江上憶嚴五廣休

一本入集外詩

征南幕下帶長刀夢筆深藏五色毫

一作豪

逢著澄江不

敢詠鎮西留與謝功曹

餞席重送從叔余之梓州

莫歎萬重山君還我未還武關猶悵望何況百牢關

訪隱

路到層峰斷門依老樹開月從平楚轉泉自上方來薤

白羅朝饌松黃暖夜盃相留笑孫綽空解賦天台

寓興

薄宦仍多病從知竟遠遊談諧叨客禮休澣接冥搜樹
好頻移榻雲竒不下樓豈闕無景物自是有鄉愁

東南

東南一望日中烏欲逐羲和去得無且向秦樓棠樹下
每朝先覓照羅敷

歸來

舊隱無何別歸來始更悲難尋白道士不見惠禪師草
徑蟲鳴急沙渠水下遲却將波浪眼清曉對紅梨

子直晉昌李花

得分子

吳館何時熨秦臺幾夜熏綃輕誰解卷香異自先聞月
裏誰無妙雲中亦有君罇前見飄蕩愁極客襟分

河清與趙氏昆季讌集得擬杜工部

勝槩殊江右佳名逼渭川虹收青嶂雨鳥没夕陽天客
鬢行如此滄波坐渺然此中真得地漂蕩釣魚船

寓目

園桂懸心碧池蓮
飮眼紅此生真遠客
幾別即衰翁
小幌風煙入高窗
霧雨通新知他日
好錦瑟傍朱櫳

題道靜院院在中條山故王顏中丞所置虢州
刺史捨官居此今寫真存焉

紫府丹成化鶴羣
青松手植變龍文
壺中別有仙家日
嶺上猶多隱士雲
獨坐遺芳成故事
塞帷舊貌似元君
自憐築室靈山下
徒望朝嵐與夕曛

賦得桃李無言

天桃花正發穠李藥方繁應候非爭艷成蹊不在言靜
中霞暗吐香處雪潛翻得意搖風態含情泣露痕芬芳
光上苑寂默委中園赤白徒自許幽芳誰與論

登霍山驛樓

廟列前峰迴樓開四望窮嶺巖嵐色外陂雁夕陽中弱
柳千條露衰荷一面

一作向

風壺關有任孽速繼老生功

寄和水部馬郎中題興德驛時昭義已平

仙郎倦去心
鄭驛蹙登臨
水色瀟湘濶
沙程朔漠深
鷗舟時往復
鷗鳥恣浮沈
更想逢歸馬
悠悠嶽樹陰

題小松

一作柏

憐君孤秀植庭中
細葉輕陰滿座風
桃李盛時雖寂寞
雪霜多後始青蔥
一年幾變一作度枯榮
事百尺方資柱石
功為謝西園車馬客
定悲搖落盡成空

行次昭應縣道上送戶部李郎中充昭義攻討

會昌三年昭義節度使劉從諫卒子稹拒命自為留後詔成德魏博河東河陽合兵討之

將軍大旆埽狂童詔邀名賢贊武功暫逐虎牙臨故絳
遠舍雞舌過新豐魚遊沸鼎知無日鳥覆危巢豈待風
早勒勳庸燕石上佇光綸綉漢廷中

水齋

多病欣依有道邦南塘宴起想秋江卷簾飛燕還拂水
開戶暗蟲猶打窗更閱前題一作已披卷仍斟昨夜未
開缸誰人為報故交道莫惜鯉魚時一雙

奉同諸公題河中任中丞新創河亭四韻之作

萬里誰能訪十洲
新亭雲構壓中流
河蛟縱翫難為室
海蜃遙驚恥化樓
左右名山窮遠目
東西大道鎖輕舟
獨留巧思傳千古
長與蒲津作勝遊

過故府中武威公交城舊莊感事

武威公王茂元也

信陵亭館接郊畿
幽象遙通晉水祠
日落高門喧燕雀
風飄大樹撼一作感熊羆
新蒲似筆思投日
芳草如茵憶吐時
山下祇一作只今黃絹字
淚痕猶墮六州兒

贈田叟

荷篠衰翁似有情相逢攜手遶村行
燒畝曉映遠山色
伐樹暝傳深谷聲
鷗鳥忘機翻浹洽
交親得路昧平生
撫躬道直誠感激
在野無賢心自驚

贈別前蔚州契苾使君

原注使君遠祖
國初功臣也

何年部落到陰陵

一作
三

世勤王國史稱
夜捲牙旗千

帳雪朝飛羽騎一
河水蕃兒襁負來
青塚狄女壺漿出

白登日晚鷓鴣泉
畔獵路人遙識

一作
認

邳都鷹

和人題真娘墓

原注真娘吳中樂妓
墓在虎丘山下寺中

虎丘山下劔池邊長遣遊人嘆逝川
罨樹斷絲悲舞席
出雲清梵想歌筵柳眉空吐效顰葉
榆莢還飛買笑錢
一自香魂招不得祇應江上獨嬋娟

人日即事

文王喻復今朝是子晉吹笙此日同
舜格有苗旬太遠
周稱流火月難窮鏤金作勝傳荆俗
翦綵為人起晉風
獨想道衡時思苦離家恨得二年中

春日寄懷

世間榮落重逡巡我獨丘園坐四春縱使有花兼有月
可堪無酒又無人青袍似草年年定白髮如絲日日新
欲逐風波千萬里未知何路到龍津

和劉評事永樂閑居見寄

白社幽閑君暫居青雲器業我全疎看封諫草歸鸞披
尚賁衡門待鶴書蓮聳碧峰闔路近荷翻翠扇水堂虛
自探典籍忘名利欹枕時驚落蠹魚

和馬郎中移白菊見示

陶詩只採黃金實郢曲新傳白雪英素色不同籬下發
繁花疑自月中生浮杯小摘開雲母帶露全移綴水精
偏稱含香五字客從茲得地始芳榮

喜聞太原同院崔侍御臺拜兼寄在臺三二同
年之什

鵬魚何事遇屯同雲水升沈一會中劉放未歸雞樹老
鄒陽新去兔園空寂寥我對先生柳赫奕君乘御史驄
若向南臺見鶯友為傳垂翅度春風

喜雪

朔雪自龍沙呈祥勢可嘉
有田皆種玉無樹不開花
班扇慵裁素曹衣詎比麻
鵝歸逸少宅鶴滿令威家
寂寞門扉掩依稀履跡斜
人疑遊麪市馬似困鹽車
洛水妃虛妬姑山客漫誇
聯辭雖一作許謝和曲本
慚已粉署闌全隔霜臺路
正餘此時傾賀酒相望在京華

柳枝五首

有序

柳枝洛中里娘也父饒好賈風波死湖上其母不

念他兒子獨念柳枝生十七年塗粧縮髻未嘗竟

已復起去吹葉嚼蕊調絲撒管作天海風濤之曲

幽憶怨斷之音居其傍與其家接一作故往來者

聞十年尚相與疑其醉眠夢一本有物字斷不娉余從

昆讓山比柳枝居為近他日春曾陰讓山下馬柳

枝南柳下詠余燕臺詩柳枝驚問誰人有此誰人

為是讓山謂曰此吾里中少年叔耳柳枝手斷長

帶結讓山為贈叔乞詩明日余比馬出其巷柳枝

丫鬟畢妝抱立扇下風扇一袖指曰若叔是句後
三日隣當去濺裙水上以博香山待與郎俱過余
諾之會所友有偕當詣京師者戲盜余卧裝以先
不果留雪中讓山至且曰為東諸侯取去矣明年
讓山復東相背於戲上因寓詩以墨其故處云

花房與蜜脾蜂雄蛺蝶雌同時不同類那復更相思
本是丁香樹春條結始生玉作彈碁局中心亦不平

嘉瓜引蔓長碧玉冰

去聲

寒漿東陵雖五色不忍值牙香

柳枝井上蟠蓮葉浦中乾錦鱗與繡羽水陸有傷殘
畫屏繡步障物物自成雙如何湖上望只是見鴛鴦

燕臺四首

風光冉冉東西陌幾日嬌魂尋不得窰房羽客類芳心
冶葉倡條徧相識暖藹輝遲桃樹西高鬟立共

一作桃
共立

鬢齊雄龍雌鳳杳何許絮亂絲繁天亦迷醉起微陽若
初曙映簾夢斷聞殘語愁將鐵網罟珊瑚海濶天翻迷
處所衣帶無情有寬窄春煙自碧秋霜白研丹擘石天

不知願得天牢鎖
 冤魄夾羅委篋單
 綃起香肌一作冷
 襯瑤瑤珮今日東風自不勝
 化作幽光入西海

右春

前閣雨簾愁不卷
 後堂芳樹陰陰見
 石城景物類黃泉
 夜半行郎空柘彈
 綾扇喚風闔闔天
 輕帷翠幕波淵旋
 蜀魂一作寂寞有伴未幾
 夜瘴花開木棉桂宮留影光
 難取媽薰蘭破輕輕語
 直教銀漢隋懷中未遣星妃鎮
 來去濁水清波何異源
 濟河水清黃河渾
 安得薄霧起

綳裙手接雲軒呼太君

石夏

月浪衝

一作衝

天天宇濕涼蟾落盡疎星入雲屏不動掩

孤颯西樓一夜風箏急欲織

一作識

相思花寄遠終日相

思却相怨但聞北斗聲迴環不見長河水清淺金魚鎖

斷紅桂春古時塵滿鴛鴦茵堪悲小苑作長道玉樹未

憐亡國人瑤琴

一作瑟

悃悃藏楚弄越羅冷薄金泥重簾

鉤鷓鴣夜驚霜喚起南雲繞雲夢雙瑤丁丁聯尺素內

記湘川相識處歌唇一世銜雨看可惜馨香手中故

右秋

天東日出天西下雌鳳孤飛女龍寡青溪白石不相望
堂中遠甚蒼梧野凍壁霜華交隱起芳根中斷香心死
浪乘畫舸憶蟾蜍月娥未必嬋娟子楚管蠻絃愁一槩
空城舞罷腰支在當時歡向掌中銷桃葉桃根雙姊妹
破鬟矮一作委隨凌朝寒白玉燕釵黃金蟬風車雨馬不
持去蠟燭啼紅怨天曙

右冬

河內詩二首

鼙鼓沈沈虬水咽秦絲不上蠻絃絕常娥衣薄不禁寒
蟾蜍夜艷秋河月碧城冷落空蒙

一作
濛

煙簾輕幙重金

鉤欄靈香不下兩皇子孤星直上相風竿八桂林邊九
芝草短襟小鬢相逢道入門暗數一千春願去閏年留
月小梳子交加香蓼繁停辛佇苦留待君

右一曲
樓上

閩門日下吳歌遠陂路綠菱香滿滿後溪暗起鯉魚風

船旗閃斷芙蓉幹

一作
傾

身奉君畏身輕雙橈兩漿樽

酒清莫因風雨罷團扇此曲斷腸惟北聲低樓小徑城

南道猶自金鞍對芳草

右一曲
湖中

贈送前劉五經映三十四韻

建國宜師古典邦屬上庠從來以儒戲安得振朝綱叔
世何多難茲基遂已亡泣麟猶委吏歌鳳更伴狂屋壁
餘無幾焚坑速可傷挾書秦二世壞宅漢諸王草草臨
盟誓區區務富強微茫金馬署狼籍鬪雞場盡欲心無

竅皆如面正牆驚疑豹文鼠貪竊虎皮羊南渡宜終否
西遷冀小康策非方正士貢絕孝廉郎海鳥悲鐘鼓狙
公畏服裳多歧空擾擾幽室竟悵悵凝邈為時範虛空
作士常何由羞五霸直自咎三皇別派驅楊墨他鑣並
老莊詩書資破冢法制困探囊周禮仍存魯隋師果禪
唐鼎新麾一舉革故法三章星宿森文雅風雷起退藏
縲因為學切掌故受經忙夫子時之彥先生跡未荒褐
衣終不名白首興難忘感激殊非聖棲遲到異糝片辭

褒有德一字貶無良燕地尊鄒行西河重卜商式閭真

道在擁篲信謙光

原註外舅太原公亦受經于公也 外舅謂王茂元

獲預青衿

列叨來絳帳旁雖從各言志還要大為防勿謂孤寒棄

深憂許直妨叔孫讒易得盜跖暴難當雁下秦雲黑蟬

休隴葉黃莫踰

一作渝

巾屢念容許後升堂

哭遂州蕭侍郎二十四韻

蕭澣

遙作時多難先令禍有源初驚逐客議旋駭黨人冤密
侍榮方入司刑望愈尊皆因優詔用實有諫書存苦霧

三辰沒窮陰四塞昏虎威狐更假隼擊鳥踰喧徒欲心

存闕終遭耳屬垣遺音和蜀魄易箆對巴猿有女悲初

寡無男泣過門

原注公止襄氏一女結襦之明年又喪良人

朝爭屈原草廟

餒莫

一作若

教魂迴閣傷神峻長江極望翻青雲寧寄意

白骨始霑恩早歲思東閭為邦屬故園

原注余初謁于鄭舍

登舟

慚郭泰解榻愧陳蕃分以忘年契情猶錫類敦公先真

帝子我系本王孫嘯傲張高蓋從容接短轅秋吟小山

桂春醉後堂萱自歎離通籍何嘗忘叫闈不成穿墻入

終

一作然

擬上書論多士還魚貫云誰正駿奔暫能誅儵

忽長與問乾坤蟻漏三泉路螿啼百草根始知同泰講

徼福是虛言

送千牛李將軍赴闕五十韻

照席瓊枝秀當年紫綬榮班賚古直閣

一作閣

勲伐舊西

京在昔王綱紊因誰國步清如無一戰霸安有大橫庚

內豎依憑切函門責望輕中台終惡直上將更要盟丹

陛祥煙滅皇闡殺氣橫喧闐衆狙怒容易八蠻驚禱杌

寬之久防風戣不行素來矜異類此去豈親征捨魯真
非策居邠未有名曾無力牧御寧待雨師迎火箭侵乘
石雲橋逼禁營何時絕刁斗不夜見欃槍屢亦聞投鼠
誰其敢射鯨世情休念亂物議笑輕生大鹵思龍躍蒼
梧失象耕靈衣沾愧汗儀馬困陰兵別館蘭薰酷深宮
蠟燭明黃山遮舞態黑水斷歌聲縱未移周鼎何辭免
趙坑空拳當作轉鬪地數板不沈城且欲憑神算無因
計力爭幽囚蘓武節棄市仲由纓下殿言終驗增埤事

早萌

原注先時桑道茂請修奉天城

蒸雞殊減饒屑麴異和羹否極時

還泰北餘運果亨流離幾南渡倉卒得西平
鬼神收昏

黑姦兇首

去聲

滿盈官非督護貴師以丈人貞覆載還高

下寒暄急改更馬前烹莽卓壇上揖韓彭扈蹕三才正
回軍六合晴此時惟短劔仍世盡雙旌顧我由羣從逢
君嘆老成慶流歸嫡長貽厥在名卿隼擊須當要鵬搏
莫問程趨朝排玉座出位泣金莖幸藉梁園賦叨蒙許
氏評中郎推貴壻定遠重時英政已標三尚人今佇一

鳴長刀懸月魄快馬駭星精披豁慚深眷睽離動素誠
蕙留春晚晚松待歲淨嶸異縣期迴雁登時已飯鯖去
程風刺刺別夜漏丁丁庾信生多感楊朱死有情絃危
中婦瑟甲冷想夫箏會與去聲秦樓鳳俱聽漢苑鴛洛川
迷曲沼煙月兩心傾

詠懷寄秘閣舊僚二十六韻

年鬢日堪悲衡茅益自嗤攻文枯若木處世銳如鎚敢
忘垂堂戒寧將暗室欺懸頭曾苦學折臂反成醫僕御

嫌夫懦孩童笑叔癡小男方嗜栗幼女漫憂葵遇久一作

角

誰先嗽蓬壺即便

一作更

吹官銜同畫餅面貌乏凝脂

典籍將孟測文章若管窺圖形翻類狗入夢肯非罷自

哂成書麓終當呪酒卮懶霑襟上血羞鑷鏡中絲橐籥

言方喻樗蒲齒詎知事神徒惕慮佞佛媿虛辭曲藝垂

麟角浮名狀虎皮乘軒寧見寵巢幕更逢危禮俗拘稽

喜侯王忻戴逵途窮方結舌靜勝但搯頤食空彈劔

身衢詎置錐栢臺成口號芸閣暫肩隨悔逐遷鶩伴誰

觀擇虱時甕間眠太率牀下隱何卑奮跡登弘閣推心
對董帷校讐如有暇松竹一相思

戊辰會靜中出貽同志二十韻

大道諒

一作自

無外會越自登真丹元子何索在已莫問

隣蒨璨玉琳華翱翔九真君戲擲萬里火聊召六甲旬

瑤簡被靈誥持符開

一作關

七門金鈴攝羣魔絳節何旒

旒吟弄東海若笑倚扶桑春三山誠迴

一作迴

視九州揚

一塵我本玄元胄

一作清

稟華由上津中迷鬼道樂沈

一作

況為下土民託質屬太陰鍊形復為人擔將覆宮一作官

澤安此真與神龜山有慰薦南真為彌綸玉管會玄圃

火棗承天姻科車過故氣侍香傳靈氛一作芬飄飄被青

霓婀娜佩紫紋林洞何其微下仙不與羣丹泥因未控

萬劫猶逡巡荆蕪既以難舟一作丹壑永無湮一作因相期

保妙命騰景侍帝宸

和鄭愚贈汝陽王孫家箏妓二十韻

冰一作水霧怨何窮秦絲嬌未已寒空煙霞高白日一萬

里碧嶂愁不行濃翠遙相倚茜袖捧瓊姿皎日丹霞起
孤猿耿幽寂西風吹白芷回首蒼梧深女蘿閉山鬼荒
郊白鱗斷別浦晴霞委長釣歷河心白道連地尾秦人

昔富家

一作貴

綠窗聞妙音鴻驚雁背飛象牀殊故里因

令五十絲中道分宮徵斗粟配新聲娣姪徒纖指風流
大堤上悵望白門裏壺粉實堆絃燈光冷如水羌管促
蠻柱從醉吳宮耳滿內不埽眉君王對西子初花慘朝
露冷臂淒愁髓一曲送連錢遠別長於死玉砌銜紅蘭

粧窗結碧綺九門十二關清晨禁桃李

四年冬以退居蒲之永樂渴然有農夫望歲之志遂作憶雪又作殘雪詩各一百言以寄情於

游舊

憶雪

愛景人方樂同雲候稍愆徒聞周雅什願賦朔風篇欲俟千箱慶須資六出妍詠留飛絮後歌唱落梅前庭樹思瓊蕊粧樓認粉綿瑞邀盈尺日豐待兩歧年預約延

枚酒虛乘訪戴船映書孤志業披覽阻神仙幾向霜階
步頻將月幌褰玉京應已足白屋但顯然

殘雪

旭日開晴色寒空失素塵
遠墻全剝粉傍井漸消銀
刻獸推鹽虎為山倒玉人珠
還猶照魏璧碎尚留秦落日
驚侵晝餘光悞惜春簷冰
滴鵝管屋瓦鏤魚鱗嶺霽嵐
光坼松暄翠粒新擁林愁
拂盡著砌恐行頻焦寢忻
無患梁園去有因莫能知
帝力空此荷平均

大鹵平後移家到永樂縣居書懷十韻寄劉章

二前輩二公嘗於此縣寄居

會昌四年河東都將楊弁逐節度使

李石據軍府應劉稹三月
李義忠克太原生擒弁

驅馬遼河千家山照露寒依然五柳在况值百花殘昔
去驚投筆今來分挂冠不憂懸磬乏乍喜覆盃安甑破
寧迴顧舟沈豈暇看脫身離虎口移疾就豬肝鬚入新
年白顏無舊日丹自悲秋穫少誰懼夏畦難逸志忘鴻
鵠清香披蕙蘭還持一杯酒坐想二公懽

河陽詩

黃河搖溶

一作落

天上來玉樓影近中天臺龍頭瀉酒客

壽杯主人淺笑紅玫瑰梓澤東來七十里長溝複塹埋

雲子可惜秋眸一顰光漢陵走馬黃塵起南浦老魚腥

古涎真珠密字芙蓉篇湘中寄到夢不到衰容自去拋

涼天憶得蛟

當作蛟

絲裁小卓

一作棹

蛺蝶飛迴木綿薄綠

繡笙囊不見人一口紅霞夜深嚼幽蘭泣露新香死畫

圖淺縹松溪水楚絲微覺竹枝高半曲新辭寫絲紙巴

西夜市紅守宮後房點臂斑斑紅堤南渴雁自飛久蘆
花一夜吹西風曉簾串斷蜻蜒翼羅屏但有空青色玉
灣不釣三千年蓮房暗被蛟龍惜濕銀注鏡井口平鷺
釵映月寒錚錚不知桂樹在何處仙人不下雙金莖百
尺相風插重屋側近媽紅伴柔綠百勞不識對月郎湘
竹千條為一束

自桂林奉使江陵途中感懷寄獻尚書

下客依蓮幙明公念竹林

原注公與江陵相國韶叙叔侄縱然膺使命

何以奉徽音投刺雖傷晚酬恩豈在今
迎來新瑣闥從

到碧瑤岑水勢初知海天文始識

一作見

參固慚非賈誼

惟恐後陳琳前席驚虛辱華樽許細斟
尚憐秦痔苦不遣楚醪沈既載從戎筆
仍披逸勝襟瀧通伏波柱簾對有虞琴
宅與巖城接門藏別岫深閣涼松冉冉
堂靜桂森森社內容周續鄉中保展禽
白衣居士訪烏帽逸人尋佞佛將成傳
耽書或類淫長懷五穀贖終著九州箴
良訊封鴛綺餘光借玳簪張衡愁浩浩
沈約瘦悵悵蘆

白疑粘鬢楓丹欲照心歸期無雁報旅抱有猿侵短日
安能駐低雲只有陰亂鴉衝曬網寒女簇遙砧東道遠
寧久西園望不禁江生魂黯黯泉客淚泫泫逸翰應藏
法高辭肯浪吟數音朔須傳瘦翼莫獨與盧諶假寐憑書
麈哀吟叩劔鐔未嘗貪偃息那復議登臨彼美迴清鏡
其誰受曲針人皆向燕路無乃費黃金

送從翁從東川弘農尚書幕

大鎮初更帥嘉賓素見邀使車無遠近歸路更一作煙

霄穩放驂騶步高安翡翠巢御一作愈風知有在去國肯

無聊早忝諸孫末俱從小隱招心懸紫雲閣夢斷赤城

標素女悲清瑟秦娥弄玉一作碧蕭山連玄圃近水接絳

河遙豈意聞周鐸翻然慕舜韶一作昔辭喬木去遠逐斷

蓬飄薄俗誰其激斯民已甚恍鸞皇期一舉燕雀不相

饒敢共頽波遠因之內火燒是非過別夢時節慘驚颺

未至誰能賦中乾欲病痾屢曾紆錦繡勉欲報瓊瑤我

恐霜侵鬢君先綬挂腰甘心與陳阮揮手謝松喬錦里

差隣接雲臺閉寂寥一川虛月魄萬崦自芝苗瘴雨瀧
間急離魂峽外銷非關無燭夜其奈落花朝幾處逢鳴
佩何筵不翠翹蠻童騎象舞江市賣鮫綃南詔知非敵
西山亦屢驕勿貪佳麗地不為聖明朝少減東城飲時
看北斗杓莫因乖別久遂逐歲寒凋盛幕開高宴將軍
問故僚為言公玉季早日棄漁樵

李肱所遺畫松詩書兩紙得四十韻

萬草已涼露開圖披古松青山徧滄

一作滄

海此樹生何

峰孤根邈無倚直立撐鴻濛端如君子身挺若壯士胸

樛枝勢夭矯忽欲蟠拏空又如驚螭走默與奔雲逢孫

枝擢細葉旖旎狐裘茸鄒顛蓍髮軟麗如字姬眉黛濃視

久眩目睛倏忽變輝容一作融竦削正稠直婀娜旋敷一作

數峰又如洞房冷翠被張穹籠亦若暨羅女平旦妝顏

容細疑襲氣母猛若爭神功燕雀固寂寂霧露常衝衝

香一作重蘭媿傷暮碧竹慚空中可集呈瑞鳳堪藏行雨

龍淮山桂偃蹇蜀郡桑重童枝條一作修亮眇脆靈氣何

由同昔聞咸陽帝近說稽山儂或著仙

一作佳

人號或以

大夫封終南與清

一作青

都煙雨遙相通安知夜夜意不

起西南風美人昔清興重之猶月鐘寶筭十八九香緹

千萬重一旦鬼瞰室稠疊張羅量赤羽中要害是非皆

忽忽生如碧海月死踐霜郊蓬平生握中玩散失隨奴

童我聞照妖鏡及與神劔鋒寓身會有地不為凡物蒙

伊人秉茲圖顧眄擇所從而我何為者開顏捧靈蹤報

以漆鳴琴懸之真珠櫳是時方暑夏座內若嚴冬憶昔

謝四騎學仙玉陽東千株盡若此路入瓊瑤宮口詠玄
雲歌手把金芙蓉濃鵲深霓袖色映琅玕中悲哉隨世
網去之若遺弓形魄天壇上海日高瞳瞳終騎一作紫
鸞歸持寄扶桑翁

戲題樞言草閣三十二韻

君家在河北我家在山西百歲本無業陰陰仙李枝尚
書文與武戰罷幕府開君從渭南至我自仙遊來平昔
苦南北動成雲雨乖違今一作兩攜手對若牀下鞵一作

鞋

夜歸碣石館朝上黃金臺我有苦寒調君抱陽春才
年顏各少壯髮綠齒尚齊我雖不能飲君時醉如泥政
靜籌畫簡退食多相攜埽掠走馬路整頓射雉翳春風
二三月柳密鶯正啼清河在門外上與浮雲齊敬冠調
玉琴彈作松風哀又彈明君怨一去怨不回感激坐者
泣起視雁行低翻憂龍山雪一作雷却雜胡沙飛仲容銅
琵琶項直聲淒淒上貼金捍撥畫為承露雞君時臥振
觸勸客白玉盃苦云年光疾不飲將安歸我賞此言是

因循未能諧君言中聖人坐臥莫我違榆莢亂不整楊
花飛相隨上有白日照下有東風吹青樓有美人顏色
如玫瑰歌聲入青雲所痛無良媒少年苦不久顧慕良
難哉徒令真珠肌一作衰入珊瑚腮君今且少安聽我
苦吟詩古詩何人作老大徒傷悲

偶成轉韻七十二句贈四同舍

沛國東風吹大澤蒲青柳碧春一色我來不見隆準人
漑酒空餘廟中客征東同舍鴛與鸞酒酣勸我懸征鞍

藍山寶肆不可入玉中

一作山

仍是青琅玕武威將軍使

中俠少年箭道驚楊葉戰功高後數文章憐我秋齋夢
蝴蝶詰旦九門傳奏章高車大馬來煌煌路逢鄒枚不
暇揖臘月大雪過大梁憶昔公為會昌宰我時入謁虛
懷待衆中賞我賦高唐迴看屈宋由猶通年輩公事武皇
為鐵冠歷廳請我相所難我時顛顛在書閣臥枕芸香
春夜闌明年赴辟下昭桂東郊慟哭辭兄弟韓公堆上
跋馬時迴望秦川樹如薺依稀南指陽臺雲鯉一作紅魚

食鈎猿失羣湘妃廟下

一作中

已

一作江

春盡虞帝城前初

日曛謝遊橋上澄江館下望山城如一彈鷓鴣聲苦曉

驚眠朱槿花嬌晚相伴項之失職辭南風破帆壞槩荆

江中斬蛟斷

一作破

壁不無意平生自許非恣恣歸來寂

寞靈臺下著破藍衫出無馬天官補吏府中趨玉骨瘦

來無一把手封狴牢屯制囚直廳印鎖黃昏愁平明赤

帖使修表上賀嫫姚收賊州舊山萬仞青霞外望見扶

桑出東海愛君憂國去未能白道青松了然在此時聞

有燕昭臺挺身東望心眼開且吟王粲從軍樂不賦淵
明歸去來彭門十萬皆雄勇首戴公恩若山重廷評日
下握靈蛇書記眠時吞綵鳳之子夫君鄭與裴何甥

一作

生謝舅當世才青袍白簡風流極碧沼紅蓮傾倒開我
生麤疎不足數梁父哀吟鷓鴣舞橫行潤視倚公憐狂
來筆力如牛弩借酒祝公千萬年吾徒禮分常周旋收
旗隊鼓相天子相門出相光青史

五言述德抒情詩一首四十韻獻上杜七兄僕

射相公

杜悰

帝作黃金闕，仙開白玉京。有人扶太極，惟嶽降元精。耿

賈官勳，大荀陳

一作楊

地望清旂常，懸祖德甲令著嘉聲。

經出宣尼壁，書留晏子楹。武鄉傳陣法，踐土主文盟。自

昔流王澤，由來仗國楨。九河分合沓，一柱忽崢嶸。得主

勞三顧，驚人肯再鳴。碧虛天共轉，黃道日同行。後飲曹

參酒先和，傅說羹即時。賢路闢此夜，泰階平願保無疆。

福將圖不朽，名率身期濟。世叩額慮興兵，感念殺屍露。

咨嗟趙卒坑儻令

一作今

安隱忍何以贊貞明惡草雖當

路寒松實挺生人言真可畏公意本無爭故事留臺閣

前驅且旆旌芙蓉王儉府楊柳亞夫營清嘯頻疎俗高

談屢析醒過庭多令子乞

音氣

墅有名甥南詔應聞命西

山莫敢驚寄辭收的博端坐掃欃槍雅宴初無倦長歌

底有情檻危春暖樓迴雪峰晴移席牽緉

一作湘

蔓迴

橈撲絳英誰知杜武庫只見謝宣城有客趨高義於今
滯下卿登門慚後至置驛恐虛迎自是依劉表安能比

老彭雕龍心已切畫虎意何成豈有一作曾黔突徒勞

不倚衡乘時乖巧官占象合艱貞廢忘淹中學遲迴谷
口耕悼傷潘岳重樹立馬遷輕隴鳥悲丹甯湘蘭怨紫
莖歸期過舊歲旅夢遠殘更弱植叨華族衰門倚外兄
欲陳勞者曲未唱淚先橫

今月二日不自量度輒以詩一首四十韻干瀆
尊嚴伏蒙仁恩俯賜披覽獎踰其實情溢於辭
顧惟疎蕪曷用酬戴輒復五言四十韻詩獻上

亦詩人詠嘆不足之義也

家擅無雙譽朝居第一功四時當首夏八節應條風滌

濯臨清濟巉巖倚碧嵩鮑壺冰皎潔王佩玉丁東

原注
擊虞

決錄要注曰漢末絕無玉佩侍中王粲識
舊佩始復作之今玉佩受法于蔡也故云處劇張京兆

通經戴侍中將星臨迴夜卿月麗層穹下令銷秦盜高

談破宋聲含霜太山竹拂霧嶧陽桐樂道乾知退當官

塞匪躬服箱青海馬入兆渭川熊固是符真宰徒勞讓

化工鳳池春潋滟雞樹曉瞳矐願守三章約還期

一作
期嘗

九譯通薰琴調大舜寶瑟和神農慷慨資元老周旋值

一作直

狡童仲尼羞問陣魏絳喜和戎款款將除蠹孜孜

欲達聰所求因渭濁安肯與雷同物議將調鼎君恩忽
賜弓開吳相上下全蜀占西東銳卒魚懸餌豪胥鳥在
籠疲民呼杜母隣國仰羊公置驛推東道安禪合北宗
嘉賓增重價上士悟空扇舉遮王導樽開見孔融煙
飛愁舞罷塵定

一作起

惜歌終岸柳兼池綠園花映燭紅

未曾周顛醉轉覺季心恭繫滯喧人望便蕃屬聖衷天

書何日降庭燎幾時烘
早歲乖投刺今晨幸發蒙
遠在哀跛鼈薄藝獎雕蟲
故事曾尊隗前修有薦雄
終須煩刻畫聊擬更磨礪
蠻嶺晴留雪巴江晚帶楓
營巢憐越燕裂帛待燕鴻
自苦誠先檠長飄不後蓬
容華雖少健思緒即悲翁
感激淮山館優游碣石宮
待公三八相不祚始無窮

驕兒詩

袞師我驕兒美秀乃無匹
文葆未周晬固已知六七
四

歲知名姓眼不視黎粟交朋頗窺觀謂是丹穴物前朝

尚器

一作氣

貌流品方第一不然神仙姿不爾燕鶴骨安

得此相謂欲慰衰朽質青春妍和月朋戲渾甥侄繞堂

復穿林涕若

一作石

金鼎溢門有長者來造次請先出客

前問所須含意不吐實歸來學客面闕敗秉翁笏或謔

張飛胡或笑鄧艾吃豪鷹毛翦

任力切

劣

良直切

猛馬氣佶

慄

離直切

截得青筭

于君切

蓄騎走恣唐突忽復學參軍按

聲喚蒼鶻又復紗燈旁稽首禮夜佛仰鞭胃蛛網俯首

飲花蜜欲爭蛺蝶輕未謝柳絮疾階前逢阿姊六甲頗
輸失疑走弄香奩拔脫金屈戌抱持多反側威怒不可
律曲躬牽牕網絡唾拭琴漆有時看臨書挺立不動膝
古錦請裁衣玉軸亦欲乞請爺書春勝春勝宜春日芭
蕉斜卷箋辛夷低過筆爺昔好讀書懇苦自著述顛顛
欲四十無肉畏蚤虱兒慎勿學爺讀書求甲乙穰苴司
馬法張良黃石術便為帝王師不假一作暇更纖悉况今
西與北羗戎正狂悖誅赦兩未成將養如痼疾兒當速

成大探雛入虎穴當為萬戶侯勿守一經帙

一作素

行次西郊作一百韻

蛇年建午月我自梁還秦南下大散關

一作嶺

北濟渭之

濱草木半舒坼不類冰雪晨又若夏苦熱焦卷無芳津

高田長檝櫪下田長荆榛農具棄道旁饑牛死空塢依

依過村落十室無一存存者皆面啼無衣可迎賓始若

畏人問及門還具陳右輔田疇薄斯民常苦貧伊昔稱

樂土所賴牧伯仁官清若冰玉吏善如六親生兒不遠

征生女事四隣濁酒盈瓦缶爛穀堆荆困健兒庇

一作庇

旁婦衰翁舐童孫况自貞觀後命官多儒臣例以賢牧
伯徵入司陶鈞降及開元中姦邪撓經綸晉公忌此事
多錄邊將勳因令猛毅輩雜牧升平民中原遂多故除
授非至尊或出倖臣輩或由帝戚恩中原困屠解奴隸
厭肥豚皇子棄不乳椒房抱羗渾重賜竭中國強兵臨
北邊控弦二十萬長臂皆如猿皇都三千里來往同雕
鷲五里一換馬十里一開筵指顧動白日煖熱迴蒼旻

公卿辱嘲叱唾棄如糞
九大朝會萬方天子正
臨軒綵旂轉初旭玉座當
祥煙金障既特設珠簾亦
高褰將須塞不顧坐在御
榻前忤者死艱屢附之升
頂顛華侈矜遞街豪俊相
併吞因失生惠養漸見徵
求頻奚冠西當

東北來揮霍如天翻是時正
忘戰重兵多在邊列城遶

長河平明插旗旛但聞虜
騎入不見漢兵屯大婦抱
兒哭小婦攀車轡生小太平
年不識夜閉門少壯盡點行
疲老一作守空村生分作死
誓揮淚連秋雲廷臣例麀

怯諸將如羸奔為賊掃上陽捉人送潼關玉輦望南斗
未知何日旋誠知開闢久邁此雲雷屯送者問鼎大存
者要高官搶攘互間諜孰辨梟與鸞千馬無返轡萬車
無還轅城空鼠雀死人去豺狼喧南資竭吳越西費失
河源因令左一作右藏庫摧毀惟空垣如人當一身有左
無右邊筋體半痿痺肘腋生臊臙列聖蒙此恥含懷不
能宣謀臣拱手立相戒無敢先萬國困杼軸內庫無金
錢健兒立霜雪腹歎衣裳單饋餉多過時高估銅與鉛

山東望河北，爨煙猶相聯。朝廷不暇給，辛苦無半年。行
人推行資，居者稅屋椽。中間遂作梗，狼籍用戈鋌。臨門
送節制，以錫通天班。破者以族滅，存者尚遷延。禮數異
君父，羈縻如羌零。直求輸赤誠，所望大體全。巍巍政事
堂，宰相厭八珍。敢問下執事，今誰掌其權。瘡疽幾十載，
不敢扶其根。國蹙賦更重，人稀役彌繁。近年牛醫兒，
師城社更板。援盲目，把大旆。處北京，西藩樂禍忘。怨敵
樹黨多，狂狷生為人。所憚死非人，所憐快刀斷其頭。列

若猪牛懸鳳翔三百里兵馬如黃巾夜半軍牒來屯兵
萬五千鄉里駭供億老少相扳牽兒孫生未孩棄之無
慘顏不復議所適但欲死山間爾來又三歲甘澤不及
春盜賊亭午起問誰多窮民節使殺亭吏捕之恐無因
咫尺不相見早久多黃塵官健腰佩弓一作刀自言為官

巡常恐值荒迴此輩還射人媿客問本末願客無因循

鄙鳩抵陳倉此地忌黃昏我聽此言罷冤憤如相焚昔

聞舉一會

士會也

羣盜為之奔又聞理與亂在

一作擊人下同

不在天我願為此事君前剖心肝叩頭出鮮血滂沱汚
紫宸九重黯已隔涕泗空沾唇使史一云典作尚書廡養
為將軍慎勿道此言此言未忍聞

井泥四十韻

皇都依仁里西北有高齋昨日主人氏治井堂西陞工
人三五輩輦出土與泥到水不數尺積共庭樹齊他日
井甃畢用土益作堤曲隨林掩映繚以池周迴下去冥
一作窆穴上承雨露滋寄辭別地脉因一作言謝泉扉

升騰不自意疇昔忽已乖

一作垂

伊余掉行鞅行行來自

西一日下馬到此時芳草萋四面多好樹旦暮雲霞姿
晚落花滿地幽鳥鳴何枝蘿幄既已薦山樽亦可開待
得孤月上如與佳人來因茲感物理惻愴平生懷茫茫
此羣品不定輪與蹄喜得舜可禪不以瞽瞍疑禹竟代
舜立其父吁咈哉嬴氏并六合所來因不韋漢祖把左
契自言一布衣當塗佩國璽本乃黃門攜長戟亂中原
何妨起戎氏不獨帝王耳臣下亦如斯伊尹佐興王不

藉漢父資礪溪老釣叟坐為周之師屠狗與販繒突起

定傾危長沙啓封土豈是出程姬帝問主人翁有自賣

一作珠兒武昌昔男子老苦為人妻蜀王有遺魄今在

林中啼淮南雞舐藥翻向雲中飛大釣運羣有難以一

理推顧

一作顧

於冥冥內為問秉者誰我恐更萬世此事

愈云為猛虎與雙翅更以角副之鳳凰不五色聯翼上

雞棲我欲秉釣者竭來與我偕浮雲不相顧寥泬誰為

梯悒怏夜將

一作參

半但歌井中泥

夜思

以下續
新添詩

銀箭耿寒漏金缸凝夜光綵鸞空自舞別燕不相將寄
恨一尺素含情雙玉璫會前猶月在去後始宵長往事
經春物前期託報章永令虛架枕長不掩蘭房覺動迎
猜影疑來浪認香鶴應聞露警蜂亦為花忙古有陽臺
夢今多下蔡倡何為薄冰雪消瘦滯非鄉

思賢頓

即望賢
宮也

內殿張絃管中原絕鼓鼙舞成青海馬關殺汝南雞不

見華胥夢空聞下蔡迷宸襟他日淚薄暮望賢西

無題

萬里風波一葉舟憶歸初罷更夷猶碧江地沒元相引
黃鶴沙邊亦少留益德寃魂終報主阿童高義鎮橫秋
人生豈得長無謂懷古思鄉共白頭

有懷在蒙飛卿

薄宦頻移疾當年久索居哀同庾開府瘦極沈尚書城
綠新陰遠江清返照虛所思惟翰墨從古待雙魚

春深脫衣

睥睨江鴉集堂皇
海燕過減衣憐
蔥若展帳動煙波
日烈憂花甚風長
奈柳何陳遵容易
學身世醉時多

懷求古翁

何時粉署仙傲兀
逐戎旃關塞猶傳
箭江湖莫繫船欲
收碁子醉竟把釣
車眠謝朓真堪憶
多才不忌前

五月六日

十一作十五

夜憶往歲秋與徹師同宿

知玄法師

弟子徹

紫閣相逢處丹巖議宿時
隨蟬翻敗葉棲鳥定寒枝
萬里飄流遠三年問訊遲
炎方憶初地頻夢碧琉璃

城上

有客虛投筆無慘獨上城
沙禽失侶遠江樹著陰輕
邊遽稽天討軍須竭地征
賈生游刃極作賦又論兵

如有

如有瑤臺客相難復索歸
芭蕉開綠扇菡萏薦紅衣
浦外傳光遠煙中結響微
良宵一寸焰一作回首是重幃

朱槿花二首

蓮後紅何患，梅先白莫誇。
纔飛建章火，又落赤城霞。
不卷錦步障，未登油壁車。
日西相對罷，休澣向天涯。

勇多侵路去，恨有礙燈還。
嗅自微微白，看成沓沓殷。
坐疑忘一作疑物外，歸去有簾間。
君問傷春句，千辭不可刪。

寓懷

綵鸞餐顥氣，威鳳入卿雲。
長養三清境，追隨五帝君。
煙波遺汲汲，矰繳任云云。
下界圍黃道，前程合紫氛。
金書

惟是見玉管不勝聞草為迴生種香緣却死熏海明三

島見天迴九江分寨

一作
塞

樹無勞援神禾豈用耘鬪龍

風結陣惱鶴露成文漢嶺

一作
殿

霜何早秦宮日曷曛星

機拋密緒月杵散靈氛

重押一作
芬一作氣

陽鳥西南下相思不

及羣

木蘭

二月二十二木蘭開坼初初當新病酒復自久離居愁
絕更傾國驚新聞遠書紫絲何日障油壁幾時車弄粉

知傷重調紅或有餘波痕空映襪煙態不勝裾桂嶺舍
芳遠蓮塘屬意踈瑤姬與神女長短定何如

細雨成詠獻尚書河東公

灑砌聽來響卷簾看已迷江間風暫定雲外日應西稍
稍落蝶粉班班融燕泥颭萍初過沼重柳更緣堤必擬
和殘漏寧無晦暝輦半將花漠漠全共草萋萋猿別方
長嘯烏驚始獨棲府公能八詠聊且續新題

病中聞河東公樂營置酒口占寄上

下苑他年未可追西州今日忽相期水亭暮雨寒猶在

羅薦春香暖不知舞蝶殷勤收落藥佳

一作

人惆悵卧

遙帷章臺街裏芳菲伴且問宮腰損幾枝

浪笑榴花不及春先期零落更愁人玉盤迸淚傷心數

色角切

錦瑟驚絃破夢頻萬里重陰非舊圃一年生意屬

流塵前溪舞罷君迴顧併覺今朝粉態新

擬意

悵望逢張女遲迴送阿侯空看小垂手忍問大刀頭妙

選茱萸帳平居翡翠樓雲屏一作衣不取暖月扇未遮羞

上掌真何有傾城豈自由楚妃交薦枕漢后共藏闈一作

鈎夫向羊車覓男從鳳穴求書成袂襖帖唱殺畔牢愁

夜杵鳴江練春刀解若一作石榴象牀穿憶網犀帖釘窗

油仁壽遺明鏡陳倉拂綵毬真防舞如意佯蓋卧瑩篔

濯錦桃花水濺裙杜若洲魚兒懸寶劍燕子合金甌銀

箭催搖落華筵慘去留幾時銷薄怨從此抱離憂帆落

啼猿峽樽開畫鷁舟急絃腸對斷翦蠟淚爭流壁馬誰

能帶金蟲不復收銀河撲醉眼珠串咽歌喉去夢隨川
後來風貯石郵蘭叢銜露重榆莢點星稠解佩無遺迹
凌波有舊遊曾來十九首私讖詠牽牛

謝往桂林至彤庭竊詠

辰象森羅正句陳翊衛寬魚龍排百戲劔佩儼千官城
禁將開晚宮深欲曙難月輪移朽詣仙路下欄干共賀
高襟應將陳壽酒歡金星壓芒角銀漢轉波瀾王母來
空澗羲和上屈盤鳳皇傳詔旨解廡冠朝端造化中台

座威風上將壇甘泉猶望幸早晚冠呼韓

燒香曲

鈿

一作細

雲蟠蟠牙比魚孔雀翅尾蛟龍鬚漳宮舊樣博

山鑪楚嬌捧笑開芙蓉八蠶繭絲小分炷獸燄微紅隔

雲母白天月澤寒未冰金虎含秋向東吐玉佩呵光銅

照昏簾波日暮衝

一作依

斜門西來欲上茂陵樹柏梁已

失栽桃魂露庭月井大紅氣輕衫薄細

一作袖

當君意蜀

殿瓊人伴夜深金鑾

一作鸞

不問殘燈事何當巧吹君懷

度襟灰為土填清露

送從翁東川弘農尚書幕

此題重見又全詩都咏祿山亂後事與題

無干疑有脫誤

昔帝迴冲春維皇側上仁三靈迷赤氣萬彙叫蒼旻刊
木方隆禹陞陟始創殷夏臺曾圮閉汜水敢逡巡拯溺
休規步防虞要徙薪蒸黎今得請宇宙昨還溥縉祖功
宜急貽孫計甚勤降災雖代有稔惡不無因宮掖方為
蠱邊隅忽遽迭獻書秦逐客間諜漢名臣北伐將誰使

南征決此辰中原重板蕩玄象失鉤陳詰旦違清道銜
枚別紫宸茲行殊厭勝故老遂分新去異封於鞏來寧
避處幽永嘉幾失墜宣政遽酸辛元子當傳啓皇孫合
授詢時非三揖一作指讓表請再陶鈞舊好盟還在中樞
策屢遵蒼黃傳國璽違遠屬車塵雜虎如憑怒猿龍性
漫馴封崇自何等流落乃斯民逗撓官軍亂優容敗將
頻早朝披草莽夜緹達綵綸忘戰追無及長驅氣益振
婦言終未易廟算況非神日馭難淹蜀星旄要定秦人

心誠未去天道亦無親
錦水湔雲浪黃山掃地春
斯文虛夢鳥吾道欲悲麟
斷續殊鄉淚存亡滿席珍
瑰銷季羔竇衣化子張紳
建議庸何所通班昔濫臻
浮生見開泰獨得詠汀蘋

晉昌晚歸馬上贈

西北朝天路登臨思上才
城閑煙草遍村暗雨雲回
人豈無端別猿應有意哀
征南子更遠吟斷望鄉臺

哭虔州楊侍郎

虞卿

漢網疎仍漏齊民困未蘇如何大丞相翻作弛刑徒中

憲方外易

原注史記云高
鞅多左建外易

尹京終就拘本矜能弭謗先

議取非辜巧有凝脂密功無一柱扶深知獄吏貴幾迫

季冬誅咄帝青天闊辭家白日晡流亡誠不弔神理若

為誣在昔恩知忝諸生禮秩殊入韓非劍客過趙受鉗

奴楚水招魂遠邨山下宅孤甘心親垤蟻旋踵戮城狐

原注是冬
舒李伏戮

陰隲今如此天災未可無莫憑牲玉請便望

救焦枯

寄太原盧司空三十韻 盧鈞

隋艦臨淮向唐旗出井陘斷鰲楮四柱卓馬濟三靈祖
業隆盤古孫謀復大庭從來師俊傑可以煥丹青舊族
開東岳雄圖奮北溟邪同獬廌觸樂伴鳳凰聽酣戰仍
揮日降妖亦鬪霆將軍功不伐叔舅德惟馨雞塞誰生
事狼煙不暫停擬填滄海鳥敢競太陽螢內草纔傳詔
前茅已勒銘那勞出師表盡入大荒經德水縈長帶陰
山繞畫屏祗憂非祭肅未覺有臙腥保佐資冲漠扶持

在杳冥乃心防暗室華髮稱明廷按甲神初靜揮戈思

一作鳴

聲醉 欲醒羲之當妙選

原注小弟羲叟
早蒙眷以嘉姻

孝若近歸寧

原注三十五文明
府高科來歸膝下

月色來侵幌詩成有轉櫺羅含黃菊

宅柳暉白蘋汀神物龜酬孔僊才鶴姓丁西山童子藥

南極老人星自頃徒窺管於今媿挈瓶何由叨末席還

得叩玄扃莊叟虛悲雁終童漫識甍幕中雖策畫劍外

且伶俜

一作
聘

僕僕行忘止鰥鰥卧不瞑身應瘠於魯淚

欲溢為榮禹貢思金鼎堯圖憶土釧公乎來入相王欲

駕云亭

安平公詩

原注故贈
尚書韓氏

丈人博陵王名家憐我總角稱才華華州留語曉至暮
高聲喝吏放兩衙明朝騎馬出城外送我習業南山阿
仲子延一作廷岳年十六面如玉歆烏紗其弟炳章猶

兩州瑶林瓊樹含奇花陳留阮家諸姪秀

一作瑤璵並
列諸姓秀

邈迤出拜何駢羅府中從事杜與李麟角虎翅相過摩
清詞孤韻有歌響擊觸鐘磬鳴環珂三月石堤凍銷釋

東風開花滿陽坡時禽得伴戲新木其聲尖咽如鳴梭
公時載酒領從事踴躍鞍馬來相過仰看樓殿撮清漢
坐視世界如恒沙面熱脚掉互登陟青雲表柱白雲崖
一百八句在貝葉三十天長雨花長者子來輒獻蓋
辟支佛去空留鞞公時受詔鎮東魯遣我草詔一作奏隨
車牙顧我下筆即千字疑我讀書傾五車嗚呼大賢苦
不壽時世方士無靈砂五月至止六月病遽頽泰山驚
逝波明年徒步弔京國宅破子毀哀如何西風衝戶捲

素帳隙光斜照舊燕窠
古人常歎知己少
況我淪賤艱虞多
如公之德世一二
豈得無淚如黃河
瀝膽咒願天有眼
君子之澤方滂沱

赤壁

此詩又見杜牧集

折戟沉沙鐵未銷
自將磨洗認前朝
東風不與周郎便
銅雀春深鎖二橋

垂柳

垂柳碧鬢

一作鬢

茸樓昏雨帶容思量
成夜夢來久廢春

慵梳洗憑張敞乘騎笑稚恭碧虛隨轉笠紅燭近高春
怨目明秋水愁眉淡遠峰小闌花盡蝶靜院醉醒一作聞
蛩舊作琴臺鳳今為藥店龍寶奩拋擲久一任景陽鐘

清夜怨

含淚坐春宵聞君欲度遼綠池荷葉嫩紅砌杏花嬌曙
月當窗滿征雲出塞遙畫樓終日閉清管為誰調

定子

此詩又見杜牧外集題作隋苑注一云定子牛相小青

檀槽一抹廣陵春定子初開睡臉新卻笑喫虛一作隋

煬帝破家亡國為何人

木蘭花

古今詩話義山遊長安宿旅店客賦木蘭花詩衆皆誇示義山後成客盡驚問

之始知是義山
一云陸龜蒙誤

洞庭波冷曉侵雲
日日征帆送遠人
幾度木蘭舟上望
不知元是此花身

遊靈伽寺

以下見
統載

碧煙秋寺汎湖來
水打城根古堞推
盡日傷心人不見
石榴花滿舊琴臺

龍丘途中

統籤作一首誤

漢苑殘花別吳江
盛夏來惟看萬樹
谷不見一枝開
水色饒湘浦灘聲怯
建溪淚流迴月上
可得更援啼

句

蘭膏熱處心猶淺
銀燭燒殘焰不馨
好向書生窗畔種
免教辛苦更囊螢

金燈花
事文類聚


遙想故園陌桃李正酣

酣

以下見海錄碎事

頭上金雀釵腰佩翠琅玕
蘆洲客雁

報春來



御定全唐詩卷五百四十一